

翠

娛

閣

近

言

翠娛閣近言

甲戌春夏業

曾國氏

卷一

文類

擬皇明高帝功臣年表序

成祖功臣年表序

五經提奇序

孫月峯批評禮記序

公毅提奇小序

泗先生文選序

酉戌書經文史序

上巳讌集詩序

西湖避暑讌集詩序

壽江母楊太淑人八袞序

錢塘江游文昌閣記

遊虎丘記

歡賦

垂絲海棠賦

紅梨花賦

採蓮賦

反招隱

訟魁

續孤憤辭

琴瑟閣近言卷一

甲戌春夏業

錢塘陸雲龍雨侯甫著

仁和陳嘉兆和仲甫評

男敏樹生生甫較

皇明高帝功臣年表序

粵自德隆功進。武臣之力。是師顧漢光。因業于祖。唐氏則藉晉陽之甲。各有所資。元起漠北。破中原。而有江南。所經輒靡。亦唯金殘。宋弱。無多敵焉。唯泗上亭長。逐秦鹿。烹楚猴。挾三尺。而有天下。爲勢

極難爲功最苦更千百年爲我

太祖高皇帝肇義江北奠鼎金陵右腋強吳左肘  
勁漢國珍友定拊其背殘元摧其胸其諸盜名字  
者蟻聚驚伺何以當之

帝卒以江陰長興兩道扼自守虜使不敢窺而終  
殪之于後首摧其强大桀驁者使人望而震慄舉  
江漢間不血刃而定徐繇荆及豫繇徐及青鼓行  
幽冀不惟洗河雒之腥舉石晉來久膾之地悉返  
之文明凡在八閩百越雍梁蜀益胥列職方而奉

冠帶或擢以自將。或歿以帥臣。或假偏師。或出分道。誰非此武臣力哉。故論居守。輸轉之勲。則功韓國。論帷幄贊定之績。則功青田。得巢湖舟師以窺太平。三俞二廖實闢王基。奪采石險要。以取建康。則郢國開平。肇基王迹。至夫六舟深入。康郎自湛。友諒之所以亡也。杭湖效款。常鎮摧殘。士誠所以虜也。徵信國方氏。不猶血食歟。徵德慶閩越。不猶割據歟。徵寧河柳永。不尚阻險歟。徵中山開平。又誰掃齊魯。如落葉走虜。主于應昌。徵宋國曹國。又

誰與驅擴。寧破張李。終關隴之功也。如夫鑿蚕叢之險。收斧畫之餘。金馬碧雞。盡入版章。不必爲定。昆之習戰。傅一廖二功。不猶勒之旂常哉。下及攀附之倫。搴旗馘將。破邑斬關。依日月以流曜。千秋蓋不獨南陽近臣入。

帝銛冶。彼其烏集。杼枕解。讐革面。誰不望鞭影而馳供。

帝驅策。寢食戈矛。蟻蝨甲冑。視國事如家事。後之享有寵榮。顯耀其妻子者。非其初之小有其寵。



榮不念其妻子者哉。雖其屠沽之才，桀黠之氣，或驕于器，盈疎于防，譖快快于弓，藏然以匹夫而位極人臣，夫復何求出萬死，倖微爵祿，良亦可憫。孺生寵逼禍產，疑深帶礪，空盟二死，不貸然。君子終不泯其功也。況草昧之時，主臣未定，能以肝腦狗知，更其表表者，因悉列之以俟。

聖主故劔之求，以俟司動鼎鍾之銘，以俟居功者借鑒于前車，以俟好古者憑吊于往事。庶偉績不與草木共湮，烈士不以一青纜掩，亦勸功一助哉。

嫌生寵適禍產疑深八字前淚交下汗血勤勤  
埋沒多少

降

成祖功臣年表序

國運之興覆人之精神爲之也。精神稚則壯。老則衰。激則奮。疑則餒。志盈則竭。身輕則鼓。此安平君以卽墨復全齊。不能以全齊遂下聊城也。豈曰承六季。元有江南北之併。南具建瓴之勢哉。肥水固嘗走符堅。采石亦復殪海陵。精神爲之主也。靖難之役。中朝宿將如穎國輩。悉已暴亡。若先爲驅除者。然長興固守材也。聲色狗馬之所耗。誠爲面目雖存。精神非故。且老則侈其宿望。其氣易矜。其

謀多懷然一割不售其情亦易餒更身已開國子  
復尚主更何美焉九江江陰以統禱而握兵不無  
滿心歷城何平亦起偏裨上下相疑不爲衆與魏  
國又以積猜府忌勝負寧俟接刃決哉當日燕山  
宿衛名位卑而年力富激於黨叛之名退有繼族  
之禍進或徼城社之封未有不踴躍用兵者剗城  
守則勢分而突攻則勢一衆多則統馭不專而風  
鶴易驚兵寡則指揮如意飄忽難抵雖韓惺有雷  
侯尚云縮手僅一齊黃哉或曰鎮遠之守埒韓國

道行之策疑青田成淇足伍徐常亦非定評也乃策勲開社丹券密于始基豈各功其功而何盛乎徐俱不獲良死亦有意以摧折之長養之歟雖然開國諸臣有甚利而無奇害北來諸將則有大利亦有大害何錦李士實不嘗身死名沒家族徇之耶則冒大害以成功卽報以大利亦非過也合二時年表讀之倘有以作盛衰之感矣

指陳情事婉轉周折振英偉于論議之外標殊績于時勢之奇百世之下能不爲古人所歎

五經提奇小序

文  
千古大文章。創于人之意。貫于中。達于脉。是爲  
脉。其間行所當行。止所當止。則勢與格生焉。若夫  
點染鏤刻。令有聲色。詞調良所不廢。正如大而天  
地無極。太極肇其意。陰陽兩儀衍其脉。風雷星河  
岳瀆山海現其象。飈飛霆奮暑溽寒凝。麓走岩橫  
川迴流。注其氣勢乎。經緯錯綜。遲回伏逆。流峙微  
鉅。緩急離合。其格法乎。烟霞朝暮。星雲日夕。林岫  
錦綺。波瀾紋縠。其詞調乎。序有相因。機有必至。天

地固文章祖也。古人觀于天地而文生。五經爲其  
正嫡。上自君師聖哲。下暨牧夫遊女。發而弘章大  
軸。或亥調短什。當日不過舒其意已耳。高者不假  
脩琢。卑者不知脩琢。然而正惟不脩琢。其氣勢更  
渾。格法更奇。詞調更自可味。一披覽令人心目但  
快者。第經生知晰理意。脉無有不知。而格勢句調  
每多懵懵。蓋亦昧却古人一段心矣。近得選本。頗  
知及此。因爲增定。名之提奇。而奇者。想亦盡于此。  
擬意于無極。直從庖犧未畫時。落想降及脩琢。

亦幾五伯假竊面目矣。典要之論參乎危微。  
配五經而不朽。



孫月峯先生評禮記小序

邇來聖主尊經術。風之所鼓。學士家不復守一經。八股中塗暨滿紙。纖目薄腹。相與驚詫。爲博爲古。不知皆生吞活剝也。故予兒敏樹嘗向予白曰。今日者。經學似明而逾不明矣。屏置者不火之灰。勦摭者不巧之壁。強引生造。質之專門而笑。予應之曰。爾謂專門者不火之巧之歟。六經爲文字祖。良謂篇有局。節有法。句有筋。字有眼。不貴鏤刻。實有自然之鏤刻。爲古文胚胎也。乃人悉以按之古。

文詞中。至六經。祇問其篇之旨。節之解。條其字義。已矣。此外不暇及。似不必及。而日從左國秦漢史。漢八大家問渡。飲流。竟忘源哉。卽如世意類類纂。諸書。亦是餽釘底本。不足閱也。適勾章友人馮次牧。取孫月峯先生所評禮記梓之。其中章法句法。字法。一一拈出。如日月經天。常人止問明晦。此直窮其道之南北行之疾。徐山川經地。常人止見流峙。此則直相其勢之起伏。派之離合。并有專門廢不講者。盡拈出其可法。經至月峯先生。洵不爲火。

所。灰。壁。所。圯。哉。六。經。允。文。字。祖。已。至。于。按。其。疑。信。  
酌。其。去。存。誠。有。如。次。牧。所。說。予。又。不。能。爲。經。解。者。  
劃。然。見。其。大。

公穀提奇小序

宣尼以一部刑書。維持天下。所以隆重中國。隄禦戎夷。扶進忠懿。懲刈奸亂。一字之中。有無限雨露霜霰。顧其意甚微。詞甚苦。會者會之。昧者亦昧之。司寇據案。明罰伸紀。使非有老吏焉。爲之褫其隱心。比以正律。其口正曉曉也。翼經之書。時有四。爲左國公穀。左國琢聲餘句。務足人聽。辭令之美。良先後世。然而臧否未著。唯公羊則似明于訊鞫。委蛇曲折。刺入隱情。使人無從規躲。穀梁則似果于

公穀序

斷制嚴厲。迅猛定入。功罪使人無可辨折。其間論議不無合離。要爲宣聖之功臣。史氏之鼻祖一也。顧其文純用喚法。似複且套。不耐多讀。予特拔其句調靈雋。議論沉異。奇快可喜者。合爲一帙。非敢云已摘其標。夫亦奇我所奇云爾。

嚴毅之氣不受古人所掩。

四先生文選序

文章得以橫行中原。映照千古。非學博不能大。吾之儲。非才高不能備。衆之體。非識奇論議不足以抉理之關鍵。非心穎思維不足以透人之肝膈。四者缺一不可云文。然而四者得其一亦足以王蓋。未有學而不能以淬吾才鋒。闢吾識。逕濟吾心靈。而多才者。未有窮于學。卑于識。冥于心者。彼夫心爲才府。爲識竅。爲學藏。識爲心導。爲才母。爲學藪。恒相因焉。第各有所擅耳。居嘗以此相文士。就

我明文集。中拔百家。已先得其十六。更于其中。拔其四。爲四派之宗。是爲本寧。侗。初。伯敬。季重。四先生。其學之博者。涵天。倒日。吞細。納纖。天吳。支祁。靡不出没于其中。才之高者。飛流。脫峽。或匯。或分。漣漪。浩汗。無所不具備于中。若識之奇。心之穎。可以穴地而行。可以破山而去。清可鑑鬚眉。奇可合衆美。真若江淮河濟。並于天壤。清濁。纖巨。雖各有殊。而其足自王均也。疏淪而令萬世永賴。予不敢自侈禹功。臨碣石。觀滄海。吾亦欲爲世擴一眼界耳。

上巳讌集詩序

若夫春陽踰五月。令介三杲。日煦顏。輕風。旼勁。吐  
膩。白于烟。微梨醒。夢魄。浥妖紅。于露密。桃泣啼痕。  
黃綠錯。而徑。瓊蒼翠。合而林。幄。鶯去。倩聲留。待奏  
未明絃管。蝶翻清影亂。疑來侵曉衫裙。日光搖草  
清香欲赴于燕泥。雨意妍花媚色。時通于荇帶。野  
天一艷。花鳥胥春。點點飛英。慘道爲鋪。醉客之裊  
關闕啼鳥出林。欲和逸人之韵。烟霞發其麗景。雲  
日蕩我曠襟。茂林脩竹。地莫勝于武林。天朗氣清。



矣而  
以將  
幽矣  
之益  
紀事  
有聲

時更宜于觀日輕舟破鏡逸嘯驚鷗何煩曲水觴  
入手而羽飛寧假繁聲景接眸而電發況復入座  
氣借澹心飲醴同舟誼洽蘭氣薰山霏霏玄屑笑  
傲已韵烟波落落清標酣暢欲空湖海觀絮飛而  
陋謝盼桃落而悲劉遊絲千丈裊引幽思之飄飄  
賓主一時豪鼓壯懷之犖犖豈令咏歌寂歷鶯燕  
笑人遂至研墨蕭條時光傲我尚宜墮釵策典擊  
鉢成章激潺澗之清音煥蕙萍之翠色百篇斗酒  
逸調千秋金谷之潘石夫何足云蘭亭之王謝良

有繼美云爾。

描寫春色中。暗藏詩酒。點綴詩酒處。含吐春色。  
題中字字繪出。豈尋常摹景硬借詩酒作緣者  
等視耶。

題原艷麗。文與之俱。

西湖避暑讌集詩序

蓋聞執熱濯水。逃暄入幽。霞張赤熾。導祝融以燄。辟倫日運火輪。駕赤帝以暴萬物。紅塵既增。焦灼白紈。難却煩囂。自非滌魄水壺。奚以脫身。虐焰况爐。鏤不收喜。不熱衷簪。組更鶯花。見迂正堪。散髮烟霞。藉柳蔭以動涼。思邇水光。以來爽氣。扁舟不繫。避日影之東西。小榻橫陳。趁風來之南北。對陰西子。秀色堪餐。灸朱素六郎。香光可挹。酒浮綠蟻。枉送碧筒。臨流濯足。響欲寄于滄浪。醉月開罇。興

更蒙手河朔冷絕霜飛六月奇哉音遍九霄炎暑  
奪威藻萍生態

聲色香味俱備

壽

誥封江母楊太淑人入袞序

應江宗師

乞言舊作

從古婦之烈者。塵芥一生。天壽其名矣。不必壽其身。壽其後。蓋其激憤之氣。原無前瞻後顧一洩而無餘天。亦若以是酬之。唯夫以節聞者。歷盤錯而必伸其志。且黜淫削慾心之謚矣。茹荼吸蘖神之澹矣。履愁鬱而備艱苦骨之勁矣。遂能以遐其齡者。責美報于天。發榮名于後先。雖然。頽垣壞壁之中。抱呱呱而泣者。或未必觀其成名。遂與秋蓬俱。

雲卽觀其成立。不過嗣股肱。藝黍稷。暨牽車牛服。賈得歲時。舉解稱慶。壽亦不光。更進以汎熊。畫荻者。收效一時。嶄然露頭角。乃不勝姑息。不能相勗。于宦成。遂同淪落。未獲以一命榮。未亡人。浸及其先。猶未見。以餘年。赫奕存歿也。其間殊有其幸。不幸焉。或者天亦衡其人。爲之施耳。楊太淑人。其源出自文敏公。則芝草固自有根。迨歸于江。適丁門戶中落。蕩于伯者。復劫于燼。乃能以截髮斫柱之才。權其姑而相其夫。至夫舅之。以短祚不獲脩其

先給舍侍御公之業。贈公以坎壈不獲脩其先給舍侍御公之業。竟左提右挈。課效于大叅公。一再以太孺人太安人太宜人膺冠帔。人知大叅公在蘭陽爲賢循良。在武部爲名蘭省。胥以奉職唯謹。邀主眷者作親榮。不知封鮓擊魚太淑人。自以義方收其貴也。迨叅藩予浙。拔寒起滯。振風肅紀。亦唯兢兢不墜太淑人教。故都人士莫不歌咏之。而覃恩下逮大叅公祖若父。皆得贈如其官。皆得橫金衣紫。與給舍侍御公相見地下。竟其未竟。

之業孰非太淑人以壽其身者壽大叅公之祿位  
與名以貽其先則八十之年其有造于江氏非淺  
鮮也只今庚午季冬二十有四日爲 天子聖壽  
而太淑人入秩輓辰亦以是日是以大叅公袍笏  
而嵩祝于公隨退而稱觴于母一日而臣子之忱  
交盡衿紳之士亦有拜太淑人于堂慶其志之伸  
而報之美者亦知太淑人謚心澹神勁骨所以致  
之者亦未易乎嗣是 聖壽無疆太淑人壽亦與  
無疆大叅公猶以母餘教躡藩省而卿貳 天恩



薦加展二世之榮寵而爲三吾知太淑人且及見  
之猶拜太淑人之賜也  
氣頗嚴凝岸然不下

錢塘江許文昌閣記

羅刹江源自天目奔流而下一練帶城東微風不  
興則柔藍膩白映黃沙而爛斑旭日升沉則瑛碎  
金流與碧波而蕩漾真文中一藻麗境也至潮汐  
之至則怒濤雪立雄聲雷吼逆擊而上亦可見文  
之奇橫然文戒易盡天帝爲落一山砥之乃形家  
復築一塔以爲鎮而事不驗不知塔固離地所爲  
巽峯當在干塔與山之間蓋截流者干其末易衰  
而易止也時則有文昌閣焉控上下之間踞其勝

蓋是地江中星河倒影天著其文江山交列地著其文江海怒爭于朝夕越山並獻其森秀則山水著其文于此有閣洵足爲地形鎮文之昌也必矣以供文昌不更宜乎閣創于某成于某輸力輸財則有某涂則爲之記

遊虎丘記

買舟之山塘將近望昔日之華表瘴烟朱垣映日  
唯是一片荒荆殘礫面河有短墻四周松杉若薺  
前有隆碑則五人墓張天如所記也五人一市  
井傭乃竟不朽忠義何嘗無報哉度小橋步塘上  
時日已午乃入一小村店窻几明淨醞良肴潔爲  
少憩尋繇側逕入冬日不炎蔽以古木沉沉如欲  
雨天且逕潤而滑峻嶒錯出道傍一爲試劍石殊  
無足觀也○千人石石坦不毛若至千人當無隙

地矣。點頭石上覆以亭，亦頑質耳。劍池水沉黑，逼人凄冷，不如文定公祠側水稍清。朱魚戲其中，立亭上不啻濠上已。拾級登殿，殿燬于祝融，瓦礫存焉。塔之欄檻亦焦其半，不可登，乃入千頃雲松篁極目一望，平野與天接，大豁人胸次。惜未見陳明卿三姬墓志，不及一吊之也。轉立佛閣，閣亦杰傍名賢祠，乃頽落，知俗情佞佛甚于賢賢。山陰老柏古杉蔚然有幽致，復踐危磴，出曲逕，下觀之一水帶繞中，爲真武祠。山石瑰壘，巖積有痕，不堪作夜。

郎曰。小武當。何其不知漢大。步履良久。因冬仲暑。促急爲歸計。及闖門。已不辨路。昔石公遊虎丘。媿得得之俗人。予則又笑獨行之踽踽矣。托喻繪形。成規成壁。丹青家不過是也。

續歡賦

慨夫繁華條盡之物也。功名倘來之數也。而復合有機緣。成樞造化。且久悴之苗易秀。至湫之器易盈。豈難觸境伸情。隨獲懷志哉。予謂天地固有快場。寸心更多適處。爰補之爲赤水先生續焉。

夫何情逐境。徙心逼遇。遷中何所。駐若受外。緣娛生涕。破樂萃憂。旋成不招。嫉滿無召。愆人相其愉。天益之妍。其樂只且。輔頰俱鮮。皇虞邈矣。至治奚

幾。展。座。絕。爲。忽。躬。其。徽。奠。穴。茹。征。鴛。鴦。于。飛。富。畜。  
在。野。庚。克。廩。肥。銘。巍。燕。然。狼。烽。影。微。絃。歌。鏘。鏘。以。  
恬。以。熙。何。必。稱。觴。嬌。嬌。麗。妃。息。嫌。罷。猜。永。刊。僞。機。  
圭。組。登。朝。民。虞。帝。堯。心。體。交。怡。何。愆。可。翹。舉。肘。斷。  
挈。蘇。此。燠。洞。席。簪。組。兮。非。倖。質。影。衾。而。媿。消。銘。旆。  
常。而。旌。勛。樂。妻。孥。而。陶。陶。貫。胸。漆。齒。來。王。來。享。丹。  
雉。白。狼。銀。甕。玉。盎。長。子。臨。邊。不。煩。鞅。掌。馬。嘶。夜。月。  
塵。生。甲。仗。婦。寡。離。泣。士。無。捨。攘。保。境。恤。民。績。乃。無。  
上。覺。空。慕。之。自。罷。倚。四。夷。而。乘。障。數。畝。之。宮。桑。麻。



蔭濃風雨維時。蝨蠹其空。男耕女穡。子田父供。朽  
流。落月鋤荷。曉風窺門。無吏畜牧。有童租賦。薄而  
室祿。衣食足而計充。炊雞黍而相歡。倒濁醪而顏  
紅。雞犬兮聲相續。有無兮樂相通。亦有人士。微顯  
自盟。脩豈干祿。學非競名。竇塞逕閑。躬時之清。璞  
獻無別。驥首長鳴。進凌雲霄。退親友生。嘯咏終日。  
侑以清罇。藹論闢發。玄言時聞。豈竹林之自放。爲  
鹽車之憤驚。更也獨處。蕭蕭自逸。得失無營。奔競  
云息。開卷游神。千古八極。廓目曠襟。把臂入室。祖

周宗孔。屈奴賈。諫。掀。翻。宿。宥。夷。然。獨。得。陋。聲。伎。之。  
爲。繁。笑。山。水。之。有。癖。若。夫。關。津。斂。薄。盜。賊。不。起。車。  
牛。貿。遷。人。有。倍。利。樂。我。耆。碩。畜。我。婦。子。當。此。僭。而。  
亦。甘。卽。間。關。其。奚。懼。世。躋。阜。殷。俗。美。且。淳。木。鐸。頻。  
提。人。呈。乃。心。爲。孝。爲。友。去。僞。去。信。家。鮮。勃。蹊。愉。愉。  
閭。閭。氣。洽。庭。幃。情。深。鵲。鴿。征。戍。絕。而。離。別。息。怨。曠。  
消。而。仇。儷。尊。鰥。寡。得。依。孤。獨。有。憑。熙。熙。合。鼓。之。樂。  
皞。皞。帝。胥。之。庭。豈。如。後。官。晏。笑。兮。卒。來。媚。諧。傾。城。  
足。老。兮。乃。滋。禍。胎。寵。逼。兮。妬。伺。功。茂。兮。國。災。縹。緲。

三山兮。幾于。蠶氣。宣淫縱欲兮。名泯行乖。何似。覓  
可樂于寸衷。卽快意而無傷哉。

在民風世教上。歌咏歡情。取義極大。如僅以一  
人之快暢爲歡。終涉淫溢。

朝野雍熙。可續擊壤歌。

垂絲海棠賦

暎春光之駘蕩兮麗萬彙而匝姿僉逞妍以叢艷  
今亦表柔以參差葢勁以豎節兮或見睠于末俗  
弱則工媚兮易領洽于今時故柳似怯于翠重兮  
喜脆骨以流態花不禁于紅複兮樂委榦以低枝  
冉冉兮豈干露壓飄飄兮寧假風吹別有海國奇  
葩昌州韵種薄繁李之寡色陋濃桃之過飾貶戲  
榦而不居謝冶裝而減澤爲且寘顏濃淡之介爲  
且植體卑順之間爲且琢赤瑛而纍纍爲且綴瓊

房而翻翻爲且。儷霞綃流碧漢爲且。學繁星麗蒼  
天飛燕合德兮。連袂太液。號國秦姨兮。並鑣渭川。  
繡裾驚回于急。颺蜀錦浣濯于怒湍。舞霓裳兮影  
難定。醉玉兒兮步不堅。曲欄獨倚兮。嬌倩人扶。委  
徑交縈兮。欵疑與言。一縷吸花紅碧兮。雜柔而婉。  
輾二川。漂膩脂粉兮。牙錯而澄鮮。豈若邗水三眠。  
條雖軟而麗短。河陽一縣色雖艷而不妍。詎曰飄  
氛吐馥。欲遜于澤蘭。鬪冶爭奇。應無得而過焉。

凡賦動植者。不取致于風月。卽借態于烟雲。求

其一味真色。便如醜婦洗去脂粉。難施面目矣。  
此賦之妙。只是一箇真字。

紅梨花賦

大造造形春工工繪李綴璣而露芳桃瓊瓊而流  
彩既蒼黃之剖判匪點染所能改豈紅梨之質幻  
易淡束而豔態覆瑩雪於霞綃漾珊瑚於滄海若  
其青陽鼓鑄秦皇研沙丹爐錕赤玉腕朱斜落太  
真之紅冰垂垂露下醉夷光之酡頰裊裊若耶烟  
黯朱輕雨深絳淺隱密葉而如窺點微風而嬌顫  
纍纍含苞紛紛吐茜枝臨楚國流蘇映日建大法  
之幢花覆閑庭色相誰空飛天女之霰紫電映而

欲失粉蝶。翻而逾現。唇櫻疑越女填塗。臉杏費天  
工點綴。遂令輕勾淺注。少分俗艷。胭脂薄飾微粧。  
非復尋常妖冶。梅媿孤清。桃驚過麗。慘錦色于苔  
裊。落晴光于綠綺。豈必噉實知哀氏之奇。柳且燃  
花發幽人之致。孤山千樹。清入心脾。空蘊一枝。艷  
傾心肺。羨分暉之不斲。罇稱流霞。聊捉筆而成詞。  
特標藻異。

深淺濃淡之間。妙于着色。不爲朱萸緋艷所借。



採蓮賦

步城隅以舒嘯。驚節物之改觀。藻荇密而青茂。松  
杉富而綠繁。山兮陰晴異狀。水兮動定殊瀾。俄清  
香之徐發。欲樸予之衣衫。因飈薄而縹緲。隨風怒  
而纏綿。綠衣被乎波面。紅粧凌乎波間。爾其並如  
相語。遠如相覩。舒若顏歡。含疑愁緒。出半面于翠  
屏。掩羞容于羅袂。低昂兮舞態。方酣獨佇兮孤芳。  
欲待千莖擊而張綠。飄搖洛水之幢。一瓣落而浮  
紅。忽泛宓妃之履。更有素曳共姜綦編。淡矜虢國

梳妝質欲盟鷗。裊然宿鷺。紛兮王敦開閣。艷矣吳宮較武。極繁盛于一時。奚侈聞于十里。倏柔蔓之頓開。聽清歌之杳來。鸚鵡驚錦鴛出水。棠依碧葉堪猜。睇夫笑逐花舒。紅連臉映。鼓蘭橈而腕怯。遡流波而力罄。影搖漾兮風敲。汗珠迸兮露瑩。欵折憐深。爭拳如猛。觸新芒而指幾驚。避遊冶而首頻隱。悵牽絲之難絕。爰與歌而志哽。歌曰情脉脉兮暗通。思綿綿兮苦縈。曷紅粧之零亂。羞欲怯于秋風。再歌曰渚風緊兮鬢蟬。婆娑援花自笑兮孰與妾。

多房空子。老兮紅消磨。花兮花兮爲且奈何。無何  
舟輕人遠。花稀香淺。紅似慘而綠如愁。寂寂兮一  
湖流競。

人之似花。花之似人。描摹秀折。若舉一喻百。又  
何足多也。

反招隱

猿。啾。啾。兮。樹。悲。嘯。澤。蘭。流。芬。兮。澗。底。曼。深。谷。無。人。  
兮。鎖。蘿。薜。一。片。月。明。兮。來。往。情。春。風。多。情。兮。草。倍。  
青。苔。痕。綉。壁。兮。碧。縱。橫。天。桃。飲。露。兮。泣。無。主。君。獨。  
胡。爲。兮。躑。浮。名。浮。名。習。習。兮。世。所。驚。鸚。鵡。之。草。茜。  
兮。廣。陵。有。聲。紛。紛。逐。臭。兮。江。籬。見。忌。豺。虎。憑。凌。兮。  
麟。將。焉。倚。麟。兮。麟。兮。奈。若。何。西。望。岷。嶓。兮。盜。賊。苦。  
多。誰。能。滅。竈。兮。盡。敵。脫。士。庶。兮。置。羅。榆。關。東。顧。兮。  
烽。火。飄。士。饑。馬。疲。兮。虜。氣。驕。白。狼。有。石。不。可。勤。功。

空憶兮騷騷。南方擾擾兮兵燹滋。崑深峒險兮盤  
妖魍。長鯨吹浪兮擊海水。破浪棄風兮知幾時。宸  
京直北兮挿天起。金臺買駿兮有真主。國狗狴  
狴兮進苦艱。白石磊磊兮不堪煮。中原一望尤荒  
涼。鶉衣訴風兮糜人爲糧。雞犬無聲兮烟火死。纍  
纍白滑兮溪壑。臺吁嗟君兮無久留。窮途滯入兮  
天日愁。驚禽奮翮兮遠折木。山寂寂兮堪求。求山  
山深莫嗟惻。荷可衣兮蘭茝可食。五鼎尊兮藜藿  
乃安。簪組榮兮韋素無。妖高堂數仞兮。何如蓬蒿。

之適。君兮君兮。華乃心。松有絃兮。澗亦有琴。閑雲入戶兮。亦成侶。千古尚友兮。堪與隣。君不歸兮。烟物窮。松篁無人兮。空自老。

我瞻四方。感感靡騁。激楚之聲。多于痛哭矣。

訟戩

若有人兮盜天之威。樹朱霞以建標兮。張火雲爲  
旗塵。坐空以幕空兮。恩澤罕降。援虹弓以截雨兮。  
靈靈奪响。山靈目蒿髮焦兮。濃綠慘而萎黃。河伯  
泣盡聲哀兮。洪流涸而不長。苔痕瘁兮。蕩爲輕塵。  
疾風吹炎逼人兮。萬火牛聯炬而群奔。傷原田之  
若髡兮。土久裂而成文。氛磅礴而四驚兮。上欲續  
于慘雲。苗綠盡而生機殺兮。桔槔徒勞。嘆糞田之  
勤勤兮。亦奚慰婦子之嗷嗷。徵輸急兮。民生欲絕。

開遠不聞兮。胥吏更黠。爾何不仁兮。益稔其凶。赤  
我地兮。千里其空。民窮財盡兮。國亦以窮。無財  
奚輸兮。無民誰供。告蒼穹兮。爲我除魃。虐黎民兮。  
其罪維殺。勅風姨爲使兮。首滌其煩。命列缺率師  
兮。誕伐其頑。殲渠殄脅兮。解澤其流。百昌更生兮。  
民沐弘休。國亦永賴兮。征繕無憂。

憂憫沉痛雲漢之詩



續孤憤辭

昔景濂憫友人之無辜被法。作孤憤辭。以勸世用法者。予有友亦爲人陷。傷予欲救之。不得爲續此辭。

維荆山之質兮。易入世之磨礱。彼丹穴之奇兮。乃落人之檻中。固羣枉之醜正兮。亦弱植之得摧也。方禍機兮已芽。旣坑穽之遍伏。市虎兮布其流言。堂燕兮味于先燭。勢電發兮脫兎。典威雷迅兮鷲。鳥撲急。籲天兮莫聞。望窮途兮痛哭。重門晝扃兮。

誰纓同室之寇。一水飛渡兮。酷罹狂夫之毒。慘佳  
人兮。眉黛攢青。泣稚子兮。臉紅破玉。步迢迢而欲  
遠兮。故鄉影子。予而日近兮。異國恣摧殘兮。吏怒  
如虎。躍籬籠兮。驚冤似鹿。將與言兮。誰入室如螺  
兮。聊以寄身。腥穢兮。四壁析聲兮。夜間飯脫粟兮。  
不得飽。醉濁醪兮。以杜憂之相侵。阨何殊于爨下  
兮。氣徒噴薄于豐城。灰欲燃于何日兮。頭搶地而  
悲鳴。彼其人士兮。亦孔之良。藻行于幽兮。飾躬于  
陽。文陸離而錦披兮。嘗巨擘乎黨庠。痛無罪而縲

紆兮能無撫心而憫傷。左之殉柱兮。臧之死。張晏  
嬰解驂以脫石父兮。子儀返太白于夜郎。夫獨何  
人兮。友誼乃彰。嗟我之孱兮。亦曰金蘭。少亦負此  
血性兮。志在急難。乃財誦于室之罄兮。力短于羽  
翼之單。有志不獲。自伸兮。仰天扼腕。心痛憤而欲  
刺。亦何裨于之士兮。有羞顏之自看。予顏之厚兮。  
良慙此生。蚤虛猶能相負兮。予乃不如此。偷心不  
獲。驅此力兮。將亦心之僞也。爰著筆兮。以鳴我愆。  
審宗度因兮。尚其鑒焉。歡樂與俱兮。禍患志遷。無

徒浪交兮緩急何恃虛有此盟言。

友道險側豈皆友之過末幅數語固是定交繩尺重聲氣者所以有泛雜之憂焉。

翠娛閣述言

甲戌春夏在

卷二

文類

正德三臣論

皇明宦官列傳論

慎刑論

三韓議

勦撫議

山東水災對

文目二

赦說

尸蟲辨

聖學策

言路策

制科策

浙形策

擬曆書成進表

擬上親策武舉計表

擬上命撤內臣謝表

翠娛閣近言卷二

甲戌春夏草

錢塘陸雲龍雨侯甫著

仁和丁允和叔介甫評

男敏樹生生甫較

正德三臣論

天下事有激之適以相禍徐而挽之適以柔其奸而爲我用所恃當事者和其氣巧其謀不必避其咎而務白其心事亦可集何者猛虎之跳梁也激于逞技之驢而制于善媚之猾故奸雄之眈眈也

有殺一世之胆。有殺一世之腕。未必遠有殺一世之心。其初必僞有立名節之心。其心可入也。必陽有愛士類之意。其意可入也。必有假公道以收憂君恤國之名。其名正可引也。卽其甚者。有招權納賄之穢。而其穢亦可乘焉。蓋徇理者固可諭。徇欲者亦可誘也。不見周文襄之在成化。才以餌之。賂以糜之。此所以得久任而成東南水利之功也。乃吾于正德得三人焉。曰康海。海天才豪放。不下一關西才子。下一近臣哉。况屢招不赴。節固凜凜。特



感于人言。忘其嫌忌。蹈足權奸之門。談笑而危。解誠不欲。權奸手滑。殺朝士如雉兔耳。豈藉此躡顯秩哉。終權奸用事。身猶然一冷翰林。此固可白之心事也。不然詔獄之禍。不幾烈乎。亦曰李東陽。東陽不能佐健遷之。推臬痛哭。卽在朝亦無表表自見。然當其荼毒士類之時。亦能微詞解紛。不至有賊殺大臣。言官之事。當其晚年。每對後進痛哭。自言已汗其身。以爲國事之苦。意者有狄梁公之心。而無其才者。至楊一清。乘其同類之爭。權誘以忠。

君而脫禍遂使肘腋之元凶除于頃刻非所謂以  
窻豎攻窻豎巧于引之歟卒也相勵以清作窮苦  
魚菜之詩而貪風戢矣三人者李楊各保功名康  
則罹咎且琵琶妓女遊行自廢康亦未始欲辭其  
口其心而奕世之下則有憐而惜之者矣由是  
口舌之爭迹也且懟也益之水火也事後之  
擊緩也已敗也已極其慘剥也三人者猶所謂補  
敗局者也使韓文之疏薄處之如韓魏公之去任  
守忠又何至激之變哉不得其先籌而爲之維挽

策已非矣。况猶在後者乎。卽磔之族之何救於國。家元氣則和氣巧謀用之後何如用之前乎。噫。子以天啓時若有三人。縉紳必不至禍之烈。則三人良可思也。抑子更有望焉。檻虎出押。益之以嶠。擾龍馴虎。子能無望哉。是所望于今之英雄。

皇明宦官列傳論

嗟乎宦官作枕。張父趙母所繇來也。裴監不名。十軍阿父所繇基也。宣徽有使。此童梁丁董所以再敗宋國也。蓋此輩如膩。一着于身。未有能脫。未有不積。未有不臭。敗隨之者。故我

高皇帝。懲覆豎閑。禁讀書。禁言政事。况得侵綸扉之命。僭節鉞之權哉。且明燭亂機。曰漢末之時。宦官雖縱。而無兵權。故凡所爲。不過假人主之名。以濁亂四海。至唐世。以其柄授之。馴至權勢之盛。劫

脇天子廢立在其掌握。洋洋聖謨。明指亂源。若後之人主。世世率由舊章。卽振直百輩。安能亂天下。至曰李輔國。程元振。魚朝恩。數人勢皆極盛。代宗一旦去之。如孤雛腐鼠。大抵小人竊柄。而能決意去之。亦有何難。在斷不斷耳。此蓋痛心于亂兆已成。恐悠柔必至淪敗。又指出此駕馭一法。亦不得已。而思其次也。乃後多玩其易制。遂至借傳宣竊綸屏之柄。借詞伺竊刺奸之柄。甚而借監視竊軍旅之柄。其間謹身畏禍者。能有幾人。其餘所借

愈大釀患亦大。振幾覆國。直也。開邊。群流血禁門。  
瑾弄亂天下。至忠賢而劇。蓋不特口啣天憲而言。  
幾天憲。天子威天下刑也。金吾司寇。爲之操筆。  
東廠故物耳。天子平天下兵也。京營邊鎮皆其  
爪牙。內操其小耳。天子裕軍國者財也。司徒司  
空。悉其掌。握內庫囊橐耳。內豎之備。心膂未足。外  
收鴛鴦爲兒孫。在廷之諂諛。直邀上庶爲稱頌。雖  
天厭兇人。

帝振陸柄。所以除之者。亦一紙詔書。若

高皇帝之所面命。然亦險矣。危矣。大都宦官入。則勢親出。則權重。勢親薰灌之所。不可及也。權重強禦之所。不能捍也。有人焉。爲之申借。禍不可言矣。蓋漢之宦監。不兼兵刑。故居平司隸。得以制之。其殺陳竇也。必借張奐之卒。唐之宦監。握兵矣。宰相京兆尹。猶得抗之。宋之宦監。必與宰相比。鍛鍊未能及。縉紳未若我朝政之大者。俱得竊之。爲禍豈不烈哉。且。椽人之所以得任者。以其無同寅。知故情面寡也。然出之。而日與外吏習。則亦能朋忠賢。

何嘗不與彪虎黨也。以其無子孫，妻妾貪黷，滅也。然出之而日與脂膏隣，亦思自潤。忠賢之富甲天下，豈盡擢之內帑也。其去外臣幾何法，立弊生不又多一番狼虎擾天下哉。迨其禍稔而收之，雖曰去之何難，然而叢借已久，國脉已傷，士氣已斲矣。若其可使。

高皇帝心思制度，駕軼前古。胡獨禁其識字，禁言政事，則神謨睿慮直見其必不可用，必爲國患者。倘取祖制而尊之，不惟保安天下，亦且保全國。



體將雲奇之忠。覃吉之謹。懷恩金英。興安諸人。迭書于策。而振直。祥瑾。忠賢。諸惡。不彰矣。

勢親矣。而益之以重權。能不爲天下禍患者。非淡于功名。安于道義之人。奚可得哉。況有疾仇者。激之以成其勢。黨比者。附之以大其聲乎。察微知著。高明沉潛。駕馭者。不可不知也。

慎刑論

粵稽虞廷制刑以贖劑輕。以流寬重。終以欽恤。誠慎之也。慎非蕙而不斷。凡以刑恰如情罪如其犯。稱天以斷。有以允克一世萬世暨被罪之人而我。不與。則我自獻其敬忌之心。一懲百警。以生人非以殺人。卽殺人猶是生人。敬刑成德。上治可幾已。乃後世不鑒強秦富隋之所以亡。徒謂火烈之可幾不犯。爲政一務于刻深。主先人之言。如武氏之匪。一投而不可出。爲伺察。如吉溫之網。一觸而不

可脫。不惟強情就法。抑且強法就我。刑以疑。意苴  
可云。珍珠刑以細。二卵遂棄。良士刑以讒。鴟夷浮  
江上之覓刑以忌。燕泥落空樑之恨。刑以言。直龍  
比舍。嗟刑以頰。苛揚饒。飲痛至于北門。置獄白馬  
流尸。同文。元祐又不足言矣。彼猶出叢借也。若夫  
人主一寬嚴間關。一世慘舒。可弗慎歟。乃外獄悉  
繇有司。而撫按批駁成具文。况得望之法。司也。內  
獄半根厥衛。而司寇駁正爲無力。况或有所承望  
也。蓋案牘之問。不獨惟官。惟反。惟內。惟貨。惟來。爲

不慎之端先持一慘刻之心更主以一己之見其  
爲殺天下甚慘也昔

高皇帝定律復有例原欲爲人開生路不意至今  
適多其死法至李韓國之死于忠肅之死楊忠愍  
比以詐傳親王令旨海忠介比以子罵父律一時  
意快後日不無異議可不慎歟故真見其在不妨  
爲張蘊古徐有功以身殉法是所望于執法者也  
不然小民亦上天生命奈何妄殺之至有限之才  
不置之鴛班而錮之狴犴雉羅一罹張桁楊之難

李如蘭集  
脫桑榆之難收。其未入者亦兢兢救過靡暇。踟躇而不騁。斲天下之材。削任事之氣。莫此爲甚也。無論非虞廷寧失不經之意。卽

高皇帝所云。民不懼死。奈何以死懼之。有霜雪而無陽春。令世皆鳥驚獸逝。草摧木折之象。非所以點綴盛世也。吾願執法者于死中求生。無于生中覓死。去干請。去貨賄。弁去一己之聰明。不殉胥吏。不殉成案。更不殉他人之意。旨體聖主罔兼之心。成刑期無刑之化。一身有慶兆民賴之。將在是已。

不則刑太褻則玩人。且以有罪爲榮。且以一罪可  
以卸担。何以神激勸之柄哉。良可懼也。

刑人以承人之旨。刑人以卸已之責。心事奚堪。  
對人能存一慎心。子孫黎民俱享其利。故深識  
之士當國家大獄。不難以生死爭之。良有以也。

三韓議

事有言之甚美。圖之良艱。卽極所以圖艱。而卒不可徼一日之幸。君子不貪其美也。三韓自劉益納土馬雲固圍入版章幾三百年。非若安南久爲夷服。可以捨置。乃欲置之不問。豈所敢言。亦豈所忍言。雖然。尚亦審其勢。酌其力也。昔宋太祖與趙韓國籌取幽燕。韓國曰。誰取之。繼曰。誰守之。此計其人也。宋孝宗與陳益公籌復中原。益公曰。陛下爲幾個臭錢所使耳。試打筭勾。幾番賞犒。此計其財。

也。今補侍中之貂者。未必盡勝長子之任。而牽掣之多。功令之密。人有頽心焉。非惟無其人。卽有其人。恐不能盡其量耳。况將帥之中。號名宿者。有如劉如杜者乎。拔新進於偏裨。望輕而衆。不與如其以債進也。更慮其剝軍而離其心。至於財兩廣閩浙有海寇。秦晉荆蜀有流寇。其所經之地。卽供軍需而所經之地。皆所殘破。誰爲供租賦者乎。卽加派於旁邑。亦未能補其數。夫以天下之全力。餉遼。司徒猶仰屋發嘆。矧今十虧其三四也。更逆離祖。



完顏故智。所過悉毀其壁壘。焚其廬舍。千里不毛。彼來固難。賁糧。我往亦艱。轉運。今日恢復云者。將僮伐罪乎。抑將得其地而守之也。今者君明臣良。將士効力。一番舉動。斷懲五路。大凌之失。而籌其全。當必犁庭掃穴。一還故疆。然城障易建。乎民庶易聚。乎此一見於拓跋之愚。王玄謨空城而去。俟其分兵戍守。師老勢離。秋高併兵南下。遂至虜馬飲江。一見於兀朮之議。愚宋謂雖與之。河南。俟其分屯繕守。力渙且疲。而掩取之。今得地必思城。

有城必思守。新附之民易驚。新築之堡難固。星列之兵勢若不得相救。所謂與之全遼不能一朝居也。攻守之着莫妙于唐荆川與魯石塘書。皆當熟讀也。說者曰。舉事宜乘氣之鼓。大凌覆沒。氣已挫於外。而朝野泄泄。無切齒心。不可謂有其氣。又曰。舉事宜乘勢之盛。士馬雖衆。老稚雜焉。以守則餘以戰則誦。不可云有其勢。而猶紛紛屯據。煩司馬之除書。費司農之輸轉哉。予意。薊遼祗備乘障。關外駐三軍。備戰守其餘。簡精銳如京軍。外征例往。

殪流賊。庶亂易平。亦無聚兵於無用乎。草野之人不知大計。微聞奴方納款。款成必還舊疆。還而不往。守則示弱。還而慢爲守。恐酋心又叵測也。今東陲將帥多風鶴餘魂。朝臣救過不暇。量無敢倡言恢復。自取戮辱。是固不置之置。予則慮美名易貪。致成雞肋。恐益以疲天下。敢浪籌焉。

時事到不可昏謀處。猶嗷嗷曰。恢疆曰。闢地。祇以益敗耳。請試讀此。便知料理地方有法。戰守有方。懼謀之中。成功必焉。何煩盈庭謀復。

始見忠勇云。

勦撫議

今天下所以長固久安者。紀綱也。若民庶得以破  
城邑。殺長吏。幾於無法。天下所以輸財致力者。民  
也。若刪除。至于混玉石。烈猛火。浸于無民。夫法。

祖宗之法也。民。

祖宗之民也。何可無哉。則殲厥

渠魁。脅從罔治。此從古兩全之道也。且流民之起。  
類起于游。罹饑饉。而有司迫于功令。猶責有于無。  
課逃亡于實戶。迨奉明詔蠲賑。復上蠲而下不。  
肯貸者有之。上賑而下不受惠者有之。民見守法。

者終于溝壑則不如走險矣。一邑首事數邑響應。一邑被殘一邑之無賴附和勢不日盈哉。此三科募士先孤其黨使不入。賣劔買犢陰奪其習使不合。此善滅寇之術也。或曰彼猶潢池小盜。此滋蔓難畷。夫荆襄之役。流民四十餘萬。劉六之亂。其衆不三十餘萬乎。而必欲盡之。敵未易盡也。必欲盡敵。則如江彬之殺平民。一家二十七口以爲功。或截行道過旅。空其資而取其首。有必至矣。泯泯而死。不若依賊苟全。此賊有日增。難日減耳。說者又

謂賊反覆不測。撫而復起。誰職其咎。不知民幸脫湯火。豈猶不知。悛夫亦嫉功。墨利者有以敗其局也。秦晉之撫。亦有成緒。乃安插未定。土著鄉紳。藉口報仇。有殺其人而私其橐者。流民業已脊脊爲之撫者。不得不重其令。曰殺就撫之民者。抵罪。而黨賊之讒起。撫局不得竟矣。抑知此類未撫。卽賊旣撫。則民其先固祖宗之所培養。爲吾輸財。輸力者也。卽今日以後。猶然俟吾培養。爲吾輸財。輸力者也。何必盡殺之哉。卽如項襄毅之于楚。先招撫。

流民四十餘萬人。戍脅從一萬二千人。誅負固首  
惡一千二百人。三等處分民完。而法未始不行。其  
間則無草菅之也。雖然不先之以威。流民不就。招  
卽就。招亦不知警。宜檄蜀中據水陸之險。使賊無  
所侵。復檄荆襄合兵以乘之。使後無所軼。彼卽破  
一二邑。亦不足以久供。又迫于兵威。進退無地。然  
後馳榜往諭曰。爾民世沐國恩。一旦因饑寒之逼。  
有司之不戒。鴟張豕突。流毒地方。致干天討。今川  
蜀之師前臨。重以石砧諸司佐其夾擊。荆楚之師



後感重以徵調各兵效其進攻。藩羊無依。釜魚難久。但爾民之中多有爲賊驅掠。實非本心。或邑破家亡。苟藉存活。夫平日有司不能恤其災患。以致召變。不能爲之環衛。以致失陷。盡置諸殺。當亦非上天之心。明主之意。今特與爾湔洗。除首惡。不宥其脅從。有能斬戮賊徒來降者。准與自贖。其良民陷賊。有能斬戮賊徒來降者。仍與論功。其自拔來歸者。准與票照。隨便安插。特開三面。尚滌一心。毋自執迷。焚同玉石。其已至流民。願歸原籍者。行

該地方還其田土。其已經人開荒年久。勿復更張。量與開田。勿繩往失。百什成隊。就中立一總領。督率前行。不得遷延復聚。願隨便安插者。于荆豫土曠人稀地方。准與開墾。務期零星分列。不得成群。其地濶人衆。堪開縣處。或爲立縣。僻奧處所。或爲設所。設司。期于安戢。其未就撫者。分調精銳。首尾夾擊。期于必盡。以警後來。庶法與民兩完乎。不然民持必死之心。何事不可爲。文士擁斗許之城。率猷剝之民。不習戰之士。未見其不爲賊有也。卽一

官死一城已淪。一官伏法一邑已破。土崩魚爛何所底止。終見法僅明于將吏。而無以及亂賊。驅民作賊。有不可言也。故法有誦之。反以得伸。民有自無可復于有者。則撫之說也。無奈人不敢任。亦不敢言。流民何日已哉。

周于懲慝。樂爲更新。上者彰明綱紀。下以毘育元元。此千古不易之謨也。然必須內信者在上。同心者在朝。朝請夕從。使浮言不得掣其肘。小肯無以飾其愆。方能建所成。而國享其利。茲議

從源迄流。洞囑時弊。是今日治安策。亦是今日  
流民局。

山東水災對

屬者中州災異疊聞。閩中雨黍見告。竊以爲此誠異也。然足以駭見聞而不足以毒民禍國。非災也。若夫先兆其異而今實昇之災。則無如禿之四邑淪沒。人民皆魚。說者云水之象爲陰。其橫決也。爲臣下驕恣。官闡干政。宦寺乘權。夷狄蠢動。夫官閩之事。外所不易。知在臣下。犴狴之餘。兢兢所免。褫奪亦無敢爲。川之潰。至于貂璫之遍溢。奴虜之窺邊。則又已著之象。不必執洪流爲之徵。所以目

爲災之實者。特以齊魯之交。神京左臂。天下咽喉。未有毒見于臂。而指使靈癰。決于咽。而呼吸通者。蓮妖方已掃其藏。逆卒又已疲其力。奔亡輪轉之民。宜何如生聚。乃東岸之士。旣難保其塊壘。而西岸之莩梗。更不知所飄搖。豈直鳥妖風怪。無傷于國。無損于民者哉。此固避殿減膳難起已逝之魂。卽角帶青衣無救方割之慘。謂宜明詔有司。災傷所及。盡捐宿逋。無更以已死之負累。僅存之民。以徵輸之重。分撫事之念。仍與賑恤。特復數

年。俾。開。荒。安。輟。無。虛。文。無。中。飽。此。真。救。災。之。策。也。  
若。夫。婦。寺。之。陰。鷲。似。云。狂。瀾。知。上。有。以。砥。之。胡。  
虜。之。沓。來。亦。疑。川。決。知。邊。臣。有。以。隄。之。非。災。也。不。  
然。淮。海。久。困。稽。天。荆。豫。已。遭。兵。燹。置。齊。魯。于。不。計。  
脈。不。虞。中。斷。乎。故。不。敢。以。爲。聞。之。異。而。以。爲。爲。國。  
之。災。者。無。如。此。

赦說

赦之一舉。在朝廷爲不世出之恩膏。罷宿逋。宥  
註誤。宜乎在下者。如花木離霜霰而得雨露。禽鳥  
脫縲樊而就風雲。乃下多漠然。若不有其惠者。不  
可不知其故也。租賦之罷。多遠年。非其貯之官。而  
未申報。卽其蠹之保歇。而不卽輸者也。與民誠無  
與。註誤。大都釋其頑而捍網。富而執法者。良善間  
及。亦必重賄。故民無德焉。此古名臣曰慎無赦。頻  
赦。則人懷徼幸之心。且爲貪猾之地。雖然。與其爲



赦負母寧去漫加朝廷徵一下且科十循常且拖  
負況出于驟益也與其爲赦過無寧去深文朝宁  
刻深下承風旨棘林多冤哭卽宥亦不盡也則竊  
願有赦之心不必著赦之事矣至夫人材稱難得  
尺良斷不當棄以寸朽小民難盡殺潢地斷當亟  
于更新此則一番舉動定如燬下之木出灰燼而  
奏其清音華山之雀飲黃花而思爲瓌報下寔受  
其惠更能惠我國家矣

非無德惠而奉行非人寃成奸窟慎赦所以大

思膏之及。秉鈞者何以終。聖人之美也。

尸蟲辨

世有三尸蟲之說。子以爲此道家誕說以驚世。更  
小人之工讒。賊伺貪黷竊重者。借以張其勢也。非  
真也。何以明其然也。天帝穆清奠位。么麼不可干。  
百執不易。近舉天下衆。不啻億兆。人三其蟲。不啻  
幾億兆焉。皆得執褻穢以干殿陛。蠅鳴蚤奏。非所  
以明體也。河魁獨結。輔弼不敢竊。口舌不得迴。蟲  
曰三焦。不啻微賤。志在飲食。不啻最微賤焉。皆得  
工讒誹而事攻訐。言入禍隨。非所以重權也。矧尸

蟲之習爲此貪天饗也。有糴于天饗者而蟲爲用  
 矣。掩有爲無飾。大以小。援甲易乙。以李代桃。蟲爲  
 人用而帝且爲蟲用矣。甚以無憑之單辭。毫末之  
 微戾。以殺人侍察而寡仁。非帝所忍也。得人過而  
 不詰。則失威。盡人不能無過。則帝不勝威殺。戮憑  
 于蟲口。帝不獲自行其威。而帝終不威。吾以爲帝  
 之所不爲也。或曰。居高者戒大壅。而不聞。明目達  
 聰。有虞僅以寄四岳。而不及九官十二牧。則正  
 以明體。正以一權。且帝欲市察以明。無壅。今蒼蒼

之下忠而獲罪。廉而見擯者。不知凡幾矣。飾躬而  
不見庸才竒而不得展者。不知凡幾矣。徵輸急而  
產業空。兵荒交而身命盡者。不知凡幾矣。曷不此  
之聞而必聞過也。則虫之說殆慘刻。小人倡之。以  
其猜察者。誤帝以其恐嚇者。制人以其貪婪者。利  
己爲是。委權褻體之說。并亦非道家之談也。

明體一權。朝廷所以常尊也。今日講之者有幾。  
蟲帝之辨。熱血著紙。將欲濺人。

聖學策

聞夫鏡瑩而明。金鍛而精。則學之說也。泗濱之石。輕矣。必砥而磬。豐城之劍。銳矣。必拭而光。則美質必學而成之。說干將未就。歐冶剪指髮以殉之。而金鐵流。荆璞未剖。卞和洒血淚以明之。而瑤玖見。則學又必得人以輔之說也。天子之學。與庶人不同。安能釋萬幾而日習於呶唔。去批答而競麗於月露。不惟不暇。亦不必也。然內而明心性。外而飾政治。其與人一也。今經筵日啟。講章日進。天

子且閱會試墨義爲之甲乙不可云不學也後官不聞有管絃之聲粉黛之進遊觀之蹕不可云不以美質學也然而若不能無遺議者則意者木天之中啟口也怵于威嚴致詞也顧及忌諱旣不敢與大臣分格心之効又不敢與小臣分口舌之功以此誤天子也卽以學問之發爲政治者言之治大端有二曰用人理財人聞惡以成愛不聞獨出于惡也財聞生而後用不聞獨計其用也且臨御之初嚴誅黨逆而亟收善類亦豈不曰愛惡相

成何以後輒如雷霆之擊一竹卽斥一斥不復用也。沉湘道谷乃在明盛之時首斷積遺而復減加。派亦豈不日生用相準何以後動爲錮錄之取新舊胥征徵促迫如火也。賣子鬻妻乃在大有之年豈不經筵而明經筵反錮耶。至心學之要與治最相關者有二爲不遷怒不貳過。今責讓未幾繼以降謫罪其罪者兼及論救繫繫然半朝廷而囹圄也。何怒之難平也。逆璫煽煽手誅夷之豈不懲先皇之過復羅織之官豈不懲刑罰之過。何今貂



璫。仍。據。要。津。且。因。其。中。傷。戮。辱。士。類。也。何。知。而。復  
蹈。之。也。言。路。之。苦。爭。八。座。之。陳。言。似。不。如。講。席。者  
得。從。容。以。爲。之。開。說。而。不。聞。格。心。之。效。則。毋。講。席  
亦。虛。設。而。侍。從。爲。木。偶。也。曰。主。上。英。武。規。之。未  
必。聽。夫。曰。英。武。矣。吾。未。見。有。堯。舜。之。資。而。不。引  
之。道。也。吾。于。聖。學。而。思。古。之。甘。傳。

言路策

昔人有言言路之通塞係國家之安危予以爲今  
之言路卽塞無病也今之言路一攻訐之場塞責  
之地矯激之府也今者功令甚嚴風影之事諧謔  
之言幸不形之補牘矣有能先事而爲國豎一籌  
歟臨事而爲國策一畫歟所爲爲國策財用者無  
非剝削敗壞元氣之計所爲爲國策邊防者無非  
塵土剝襲餘剩之言一擊之再擊之俱已債轅之  
貪庸不燃之冷焰初陳奏更陳奏盡不悲之流涕

不痛之呻吟近且秦晉之流民逼畿甸矣叛卒爲  
困獸矣海氛未寢山賊復興奴插固數十年之積  
禍未可一言盡也之數者誰爲策所以彌之獨是  
刑獄之濫言矣然牘累上而不售則母益上疑  
愈深猜刻中官之四出諍矣然疏累控而不得則  
母與上激愈成水火更進而間一二搏擊豪強  
能泯沽名之心能黜風影之詞乎能無干位有不  
安姑悻悻一擊爲後日地乎是先以已之疑欲博  
上之信以已之瑕攻人之堅祇聚訟耳且當事

者誠無足當國使令然使其人爲憂讒畏譏不獲  
出其餘籌國則言不爲之崇哉然又賴上聖明  
無敢作威福無敢修彘下石不然全忠白馬忠賢  
詔獄良可懼也以一身之名釀數十年之禍不乃  
以危國乎蓋攻訐露小人之態塞責無真懇之言  
矯激益堅兩耳之塞則言路之塞亦自塞之雖然  
千金之子居襲室之內非延賓客納啓札則外事  
渺若山河卽有臧獲之暴橫子姓之竊權逞者皆  
不之知卽有言者又峻拒之且詬詈焉則家衆將

益肆其無忌而不畏矣。綸綍之間不陰不陽非盛世所宜。但隱惡揚善無數以詰責挫其銳無以猜嫌重其罰固亦所以已其攻訐已其嚮激。至夫鹿胎銷金以繁文塞責則又不妨于嚴飭而收其實功耳。

制科策

今天下胥人才于無用混無用于有用錮有用于無用混無用于有用而人不肯爲用錮有用于無用國不得收其用其維制科乎驅經生于學究昔人故言之而今甚矣何以言胥人才于無用採華擷芳虛有限之歲時鬪慧爭妍廢無窮之機智而且鑽營成其媚骨閱歷銷其壯心華茂而實不堅安問兵刑禮樂文工而行不逮何知孝友忠貞虎皮羊質不可以任矣何以言混無用于有用叩經

綸于披對。祇襲陳詮。問心性于篇章。唯憑括帖。統  
袴子挾筭牘。而先驅銅臭兒。倚錢神而銳進。家藏  
金穴。以例而青衿。字識之無借徑。而階黌序。魚目  
明珠。且雜進矣。何以言錮。有用于無用。心畱典藉。  
志怠逢迎。行著端方。神羞徑竇。一腔血熱。安得舍  
尺幅。而遽躡彤庭。百鍊剛堅。何從尾賢書。而得趨  
丹陛。心長髮短。氣壯神頽。俟河清其何時。死牖下  
今有日。兼資柳質。不得見矣。何以爲混。無用于有  
用。而不肯展其用。驥承蹇後。徒飲泣于太行。劔隱

匣中自理光于豐邑。羞樊噲之與伍。嗟鄧禹之笑人。雄情逸氣。聊斷送酒國詩場。巧智慧心。盡付與求田問舍。深山窮谷。乃在膠序矣。何以言錫有用。于無用而不得收其用。劉蕡黜忠言不伸。陳東死國事已敗。耻爲躍冶。誰獎貞靜之風。浩嘆塵埋不收。銛利之用。遂至束蓬蒿作柱。則不足以支大厦。棄騏驎而駕車。安能以奮康莊。南金趙璧。有空埋矣。又何怪服官則濟濟。當事則寥寥也。能者不用。用者非人。受任周張。故紙之不可用也。履事苒苒。



體骨之習爲媚也。苞苴入而不耻，故以苞苴進也。徑竇熟而不羞，故以徑竇顯也。削髮迎降，應是趨承之轉局，就利避害，應是猿巧之夙心。制科有益于國哉！然則制舉中將遂無材哉？曰：正爲有材者未得見，卽見又慮處積薪之下，質欲折而氣欲衰也。竊願以制舉求文學之士，又如唐宋開數科以羅士，使廉而有心計者，職錢穀強而有斷制者，任兵刑介而有藻鑑者，任銓衡守土有循良之長，巡方有威望之臣，然後久任以責其成功，不稱職罪。

舉主無僅以制科取士。遴選之日，以關節墨利及  
咎其不得人，則曰：上祇令臣以文取，不能槩其  
行也，則庶幾矣。

克清大憝頌 并序

熹廟時二、三君子不必有自功心。然防微過甚。嫉惡過猛。間有進持平之說者。勿悅也。故不惟爲讒邪睨目。中正者亦弗與。乃猶銳于祛清。不解審緩急之勢。渙邪在之羣。以易我之攻。竟益援固合外。憑內而呼。吸。通內。憑外。而窺伺密一擊不中。旋駢首就斃。嗣貽縉紳。幾搖宗社。諧媚盡縮。樞要。腹心。分布。邊隅。撫鎮。仰鼻息于貂璫。臣

工競心擅于狗監使非。

宗廟之靈。

今上之明。雷霆迅發。體魁骨粉。事未可知矣。克清大憝。不可無頌曰。

維天開皇。啟以洪荒。剖蔽藉明。剿莽見鐸。泰兆否府。亂昭理祥。

熹愍之初。國游大喪。冲主臨辰。衆心惶惶。閑微庸德。是惟臣職。正分遠在。名言匪刻。迺滋葛藤。繁言孔殖。功成不尸。衆目已側。矧其術疎。毛疵亟求。鋤奸擊貪。爰攻長秋。速其依憑。糾結如膠。國犬磬。

牙鬼蜮噴沙。朝居郎署。夕放天涯。表裏奸神。誰肥  
其芽。毒機橫發。志張手滑。緹騎雲騫。茅茹連伐。傷  
此蓋臣。靡有完身。滂嬰三木。斯具五刑。清流白馬。  
悼彼衿紳。威之所刦。世莫不靡。獻媚希榮。爲父爲  
子。殺人媚人。躡取卿貳。中外權傾。刑餘四布。錢穀  
兵刑。樞以董腐。頌功譽德。乃及天下。狂鋒篡謀。新  
莽其亞。賊瑾吉祥。未方其大。勢成岌岌。誰克自立。

天輔 皇圖

真人起蟄。乾綱丕振。河魁躬執。大權旣歸。逆氛已

頽羽翼。刪除爪牙。亦摧凶頑。笑笑亦何所爲。俛首就道。詔書一紙。天將

帝威擊賊令死。

帝亟掃清乾。斷晉明庸。碌解綬。忠貞彙征。恤賢褒良。梟鯢斬鯨。盡撤中璫。無亂邊庭。積霽五禩。劃然中興。戮瑾遜烈。誅祥嗣。令乃文。乃武。濯靈赫聲。奠祚無疆。永迓休禎。

喬喬皇皇。神聿張。擬之于頌。在桓甬般。賚之間。

浙形策

天下有形若安而勢欲危。迹近治而實欲亂。當事者急爲備。少緩旦夕。一泄泄焉。禍不旋踵。正所謂厝火積薪之下也。方今齊魯驛騷于兵畔。秦晉荼毒于民流。燕韓苦挿苦奴。黔滇征安征普。百粵則有洞山嘯海之奸。而閩亦被其驚濤。江右則有流刦肆刦之賊。而楚亦驚其虐焰。乃中州介齊魯秦晉之間。方切震鄰。而葉縣礦徒又發矣。所謂一六乾淨土。非浙而何。而浙亦多可慮也。浙南界山。葉

宗留所嘗據以蠶動也。東瀕海。王直徐海所嘗乘  
以痛毒也。省會聚五方之雜作。宿十營之健兒。乃  
亦有丁仕卿等踵亂。豈所謂易戢之地哉。且邇來  
苦竹嶺之禦貨。富陽縣之刦官。非當事計剪之。非  
宗留遺焰乎。若浙西之殺石令。產狂謀。何不同仕  
卿之舉也。至溫台之焚劫。府城晝扁。村落皆墟。僅  
少減于直海之殘。橫然而定海之譟于餉遲。省會  
之歐將領。又浸以露其跋扈矣。若夫豈煞之流。則  
又無知惡少。羶聚以漁小民。固不在此數者間耳。



誠一思之。是何如勢乎。甚者公執孝廉殺之。逐鄉  
宦之族屬而焚其室。雖稔惡者。有以激之。然殊非  
法矣。則肅軍伍以戢囂譁。外以震瀕海內。以壓劫  
奪妄營之兒。非策之急哉。然而非其本也。權敵不  
足贍其身。則轉而山海矣。糧糶不足給其用。轉而  
刀劍矣。逃亡多而徵輸缺。則餉不繼。而有以藉驕  
軍之口矣。則欲靖浙之亂。宜撫浙之民。宜富浙之  
民。而民又何如。薪佳米珠所在。有空虛之象。而賦  
稅不聞。偶貸而聞。日加更有。官與胥乘機之加。而

無從詰問矣。且青衿之優免，店戶之門攤，舉從前而返之。奸義者固不惜急公，而愚民則不無怨謔。况麥未秋而稅其夏，禾未登而征其秋。月開數卯，民無日不奔走于縣中，而隸卒之視里甲急之同于叛賊，下鄉征催錢帛雞犬什物一空有所欠一而需索十倍之。秦晉爲操戈之劫，今省會且有劫而不必戈者。千萬虎狼無日不追呼閭里，民何以堪也。甚至懲奸不以法，而以罰奸非强悍不仁者歟。窮則思變，又挺之走險也。火蘊薪下，照以烈日。

沃以膏油燎原之勢不于是在哉。欲爲浙清亂不  
得不爲浙民請命而爲。當宁請者曰：無以浙爲  
利藪而瀕議加卽欲舉已停之征亦無逆追于數  
年之中以重困民更有請則寬功令而無數沒有  
司之俸有司未能載米而食携柴而炊也爲牧民  
者請曰：無以浙爲利藪火耗可矣無混征自飽而  
飽書吏罰贖可矣無關節自富而富親朋爲大吏  
請則又當念正賦尚不給何以有羨資我俸入已  
見停何以有賂及我寬守令卽以寬民寬民卽以

痛亂使浙終受宴安之福也。是所望也。

擬曆書成進表

伏以帝勅義和定四時而成歲。官分伯仲宅四方。以授時期。以人意而合天心。旋以天行而課人事。五辰就撫。百工咸熙。臣等云云竊惟月行遲。日行

疾。盈虛開僭。忒之倪璣爲運。衡爲窺。器象肇參差。之際重以五星順逆。推步易混毫釐。更之四序推遷。錯亂祗緣杪忽。天日高而筭易訕。世日遠而術未工。雖家伸一喙。有史遷雜下楊雄。一行諸人。代更一名。有大初四分皇極大衍諸種。聚一時推測。

之精神已堪稍釐其舛經數世遵行之怠忽自爾  
頗生其乖是以金陵方定亟建觀星之臺玉鉉初  
調首頒大統之曆徵名儒令太史表官署以欽天  
自覺天運之一新坐見人時之永定廼步筭終遙  
而易泥渾儀亦迹而不神故周爓首繩其愆樂護  
復糾其失積之歲月爰望聖神茲蓋伏遇

皇帝陛下。廣運同天。昭明如日。雷霆斷也。雨  
露澤也。兢兢焉。穹窿心接。雲漢文乎。星河照乎。幾  
幾焉。函蓋胸蟠。曆官誠守。官守而不變。或失其官。

曆法固成。法成而不易。或膠于法。欲求數不碍理。必也。心與天通。命專門亦命明經。徵術士亦徵精筭。旁求不遺於女子。簡書遂及於微臣。琅函貝笈。出內府之秘書。璧合珠聯。彙民間之異帙。釐甲乙以正日。釐晦朔以正月。攷數察度。不敢參之玩忽。拆分至以定時。析春秋以定歲。立元測候。期于竭其涓埃。既不泥古。以徇人。亦豈卑今。而徇己。蓋將以協心者。晉五行之協。因以和衷者。調四序之和。期佐。黼辰之欽承。克明。鼎鉉之變理。謹將成帙。

上座。宸衷。媿靡祿之窮年。與。賜覽于乙夜。伏  
願轉休咎於省歲。勅幾康于惟時。貌言視聽。思各  
踐其形。雨暘燠寒。風克循其序。咸歌舜日。共戴堯  
天。民循時而東作。西成。工亮天而省日。省月。臣等  
無任云云。



擬 上 親策武舉士傳臚宴錫有差廷臣

謝表

崇禎四年

伏以旭日映重瞳。聖世新一時。雨露慶雲開五

色。與朝闕千古風。雲熊不必夢。而飛馬且後骨。

而至威騰虎落。喜溢兔罝。臣等云云竊惟變務武

而常務農。民無二職。人爲卿而出爲將。朝不二官。

周公狼跋。周赤鳥之宗工。師望鷹揚。實丹書之尚

父。自創業者。羞馬上之治。類偃武而修文。更守成

者。忘龍戰之助。每右文而左武。毛錐與大劔相角。

而相爭挽弓與識丁筋競而筋勝遂至橫金之帥  
扼腕於將將多人浸而抱璞之夫易心于靡靡陋  
習世幾弱喪人罕勇聞建旌干而出塞既不解于  
韜幹聞鼓擊而思人復何堪于鞍馬士氣蹙疆圉  
亦感壯心消烽燧不消蓋上不以鼓舞作人下不  
以英雄自命茲者伏遇

皇帝陛下稱心衡物鑑目燭微殺生神四時  
之功文武妙一元之治知雄不足以入九軍而突  
梯自保氣不玉也宜崇其體以振之射不足以穿

一札翰墨自矜名之盜也宜核其實以激之大羅  
智勇之材俾作赴干之選螭頭虎伏糾糾乎剗象  
之雄豹尾鸞停矯矯乎落雕之手身未履于戎行  
而敵欲盡功未奏于邊鄙而氣已吞賜臨軒之  
問極亘古之奇榮傳御殿之臚創奕世之特舉  
苟藥羹調光祿芙蓉裳出上方問報稱之何時  
服寵光而無戮敢不萬金酌士一劍答恩志切忘  
家懼懷臨事輕肝腦而不顧事之成竊媿忠而無  
術履顛危而幾倖功之集深羞智而不神伏願假

以事權寬其牽掣。樞僕承恩期盡展其手足。休容  
樂善尚母恣其齒牙。庶養士之金不入于橐。復不  
入于要津。謀國之思不殫于家。復不殫于邀結。白  
狼劍落。四朝之憤可舒。青海旗翻。一日之勲可奏。  
秦晉息潢池之弄。閩浙清萑苻之奸。特達酌知捐  
糜報主臣等無任云云

擬

上命兵部撤各邊鎮守內臣謝表

天啟

七年

伏以王者無私政權豈先刀鋸小人難養任使  
乃越官闈抑簪纓于掃除之下而士氣消抗誓御  
於卿貳之間而人心憤何意頓還其故物遂令盡  
起其歡顏臣等云云竊惟宦豎之禍自古有之陰  
鷲之鋒迄今未戢獻蒲指馬亂宗祊而秦祚以移  
張父趙母醜君后而漢家以覆肅宗英主也上不  
保其父中不保其妻季述庸奴哉既則囚其君終

亦覆其國。十軍阿父。天子門生。豈直媼相開邊。而致主北轅。丁董迷君。遂偏安南服。迄於我明。禁識字。禁言政。作法惟涼。乃開殿。乃奪門。爲禍非鮮。無鬚。獻媚。威脇。公孤。搗蒜。趨炎。令行督撫。矧至土木。而環珮蒙塵。長安而玄黃戰血。至賊瑾而鋒已極。暨逆賢而焰益張。半朝。寧皆其乾兒。盡要津。悉其隸。侍土木。災于天下。荼毒遍于衿紳。方幸大。憖之克清。豈堪餘孽之復出。茲蓋伏遇。

皇帝陛下。轉圜從諫。脫距拔奸。呂強亦忠鯁。代不。

數人承業果堅貞。世唯一見。况上無所制。其氣易驕。既恐其凌上。而慮下下有所託。其叢易借。還慮其穴鼠而窟。狐竊脂膏。以自潤。增之增一。不涸之。谿擁介冑。以自雄。予之予一。附虎之翼。無內顧者。必忠固也。不顧家者。或不顧名義。不解字者。必直是矣。不解理者。必不解機。宜此伯鯨之才。堪於暫試。方召之任。不容久假者也。褫其文繡。還以黃衣。奪其金章。錫之箕帚。彼自還其故我。人得展其新猷矣。若等薰蕕異器。水石難投。讀士良之說。而神

驚軫忠賢之逆而心悸竊恐墮其雲霧何意頓奮  
風雷伏願慎終如始防漸于微久假以權虞羶情  
之未息忽移其柄憂怨懟之易生何以杜其覬覦  
何以奪其觖望庶奸得消於肘腋慶必及于寰區  
臣等無任云云



翠娛閣近言 甲戌春夏業

卷三

文類

迂撓

西湖解

動箴

靜箴

言箴

學箴

平登州銘

筆銘

墨銘

硯銘

水中丞銘

克清大懃頌

褒忠祠十四賢贊

于忠肅公贊

王文成公贊

笑癡子像贊

續烏程縣志跋

謝劉心蓼師啟

賀王孟侯刑部啟

答姚質之書

答朱懋三書

乞巧文

壽魏邑侯文

吊五人墓文

祭徐母文

施讓庭誄

沈甥豫鍾壙志銘

翠娛閣近言卷三

甲戌春夏草

錢塘陸雲龍雨侯甫著

仁和全汝棟漢卿甫閱

男陸敏樹生生甫較

迂撓

葵有龍門劍客。憫邊桴之頻起。訝國恤之鮮傳。穀  
弧礪鏃。穀華淬金。將致死于軍。隣有白石迂儒。壺  
漿祖之。酒酣劍客以手按膝。曙目磔鬚。大言曰。子  
視予往。當爲國折馘執醜。恢拓故壤。游雪宿耻。以

奏未央子誅之。香迂儒曰：壯哉志，恐其未易也。劍  
客怒曰：子薄視予。予生山澤，挺異資，力勝百鈞，一  
躍丈許，瘡豺虎如醢雞。已媿徒勇，爰習武事。射石  
沒羽，劍如脫丸，更精陣法。謂不足當匈奴，與迂儒  
曰：固然。然吾爲子難其進也。自浙徂燕，四千餘里。  
僕吁馬瘖，亦云勞止。欲謁九關，卒未得通。獻玉售  
錐，密如飛虫。日復一日，牀頭欲空。傍顧無援，誰爲  
先容。覩顏上謁，赤生面頰。胥吏求索，隸卒呵遏。幸  
乃得進，視若弗屑。我矜其竒，彼不省閱。藩抵雞肋。

也

坐消歲月客日今。上方擴網羅。士臣下亦虛心。  
承德以我囊錐。自應穎脫無虞不用也。迂儒曰。黃  
沙紫塞。士馬雲屯。將以債帥貪懷自尊。職以賄遷。  
進諂薄能。部資山剡。渺如輕塵。旅進旅退。何時得  
伸。客曰。髡思頗牧。急起之武。因風識勁。韓王孫豈  
以士伍終哉。迂儒曰。軍中節制。錯疑犬牙。鎮巡撫  
監。駁如立麻。重以貂璫。建節鳴笳。議多二三。此是  
彼譁。錙銖覓財。秋毫摘瑕。惟弱無罪。廉勇罹置。兩  
姑之婦。承迎可嗟。客曰。自反無愆。何惜入言。鷲鳥

之擊必卑。予亦不難。枉尺直尋。迂儒曰。戎狄之徒。利貴命賤。銖馬突圍。赤身搏戰。五路既蹂。三韓靡。捲藉兵資糧。招亡恤叛。亦得亦殺。亦整亦練。城壘。靴尖。陣靡草偃。累勝氣驕。良云難殄。客曰。常勝之。軍敗于武穆。寧遠深入。實擒王杲。無懼也。迂儒曰。蟲之不僵。實惟百足。犁掃角逐。用衆用獨。榆關戰。士心悸。屢覆魂。驚風鶴。眼眩草木。烏合易離。孱弱。喜縮。恩懷非素。威劫未服。驅之不前。烏竄獸伏。誰與成功。徒果虜腹。客曰。願用之何如耳。誰曰積弱。



不可起。迂儒曰：兩敵刃接，賤者職前塗，肝血土死，生倏焉。功成策勲貴者，獨先士也。稽功遷延，延歲年一或相左，績敗級鐫，飛將屈首，衛霍聯蹕，何殊深山同草木。涇客曰：丈夫以身殉國，奚必祿爵。使後世知有飛將軍，何必侯也。迂儒曰：渾河敗，卬杜實殞身，債師輕敵，浮言恣興，芝崗守遼，績既有成，始捷篋書，終扼樞臣，都市橫尸，首傳邊城，賤賄之征，波及子孫，大方死義，辱以降夷，雙島哭冤，潮水悲嘶，灤水覆亡，牽制始知爲功，爲罪竟誰自之由來。

功高實惟禍基。丹忱不彰，身滅名隨。若其倖全終，  
淪士伍，何如荷鋤老于南畝。客乃憮然太息曰：子  
有以教我矣。乃彈劍放歌曰：網鳳且麟兮，主心  
之求醢龍膾鷲兮，斯世之憂鴻鴈之翎。必獫兮，吾  
將退而于鴛鴦，乃斷弧折劍與迂儒共耕于龍  
門山之陽。

言者皆諳時達務之論，而各之以迂。夫以獨見  
而迂之耶？抑以共見而迂之耶？迂之者若人，其  
時之吝不迂者，何若之人，撓之而止于其迂者。

若人不知止而但知進者。又何若之人。世道人心。不堪置議。雖然。迂其人。將以不迂望天下之人也。不可謂非教忠之意深也。

西湖解

翠娛主人放舟西陵。客有曰：是嘗沼宋。今且耗吾  
杭。真尤物哉。主人曰：是何咎之苛也。宋亡肇于檜  
之主。和未聞檜。耽樂也。其後悉索賦幣以供虜。權  
奸。迺作卽微。荒淫之。賈八哥亦亡。豈湖罪哉。景陽  
之井。陳自辱。非井辱之也。亡吳不得咎。多情之。西  
子。宋亡。乃以咎。無情之。山水耶。如以爲。今耗也。試  
且與子行吟澤畔。放足林臯。景與足依。勝隨目接。  
援虎豹之穴。渾鴛鴦之群。輿不能兼舟。舟不能兼

輿而吾乃得領畧。何必騎響連錢。舟飛畫鷁乎。柳  
稍鶯燕。子笙管也。水瀑山泉。子絃弄也。山水清音。  
梁氏小兒解之。而曉喏之聲。可謝矣。粉白黛綠。何  
如修眉山。偃笑靨。花開雲鬢。霧髮何如林半烟。綃  
波心霞綺。金釵翠袖。何如月搖金碧。水蹙羅紋。含  
雨奇晴好之夷光。而問人間之姝麗。贅也。若夫水  
陸之陳。不過瞬息烹炮之奇。不過果腹予與子。覘  
青帘而覓酒。褻脫粟而爲糧。山蔬澗芷。甚饒清味。  
爲費幾何。更可媿者。大可玩恰。在曉光方動。米家

一幅水墨畫圖。晚景將乘小李一片蒼碧山水。爛蕩漾而湖山一色。日腫臃而蒼紫萬狀。月中天而四山瀉影。靈鷲山空。快宜行屐。西陵秋老。雅助吟魂。倪雲林筆意。誰賞之也。彼酒肉儉父。不必湖山。酣不盡湖山耗也。俗物穢我湖山。更罪我湖山。歟。留玉輦而忘沐宮。阜有甚者。卽日銷寸金。日生寸金。何煩取西湖功。阜平分之。客無以對。乃放歌。浹夕。

鏡水環中蒼峯四映。遊覽之勝天下首。舉西湖。

然變六橋爲滛逸之地。改西湖爲酒肉之場。湖  
山有靈。固無以拒俗客。亦無以解俗嘲。安得不  
以功臣奉此。

動箴

心勿俾搞。亦勿俾擾。無將無迎。祛滯祛躁。雲行水  
流。境轉心了。寸衷常舒。精神以葆。

靜箴

慧緣定生。水以止澄。一境不攖。寸衷自寧。寂不淪  
枯。虛無涉。冥因觸而現。沛無流行。

言箴

危則忌。卑則辱。多則躁。寡則木。文則支。質則俗。慎  
之哉。



學箴

學○以○干○進○士○之○所○羞○學○以○啟○愚○士○之○所○求○學○以○見○  
性○學○以○格○古○學○以○博○物○學○以○致○主○鏡○暗○得○磨○鑿○別○  
無○忤○

平登州銘 并序

天子壬申守臣不戒歸兵乘瑕乃碎岩邑  
撫鎮就羈隣封燹夷餉遼備遼所儲悉藉  
爲內攻資幽冀齊魯震

天子乃檄精甲簡重臣期殄之朝食乃時  
議休賊怯攻虜而勇內攻是以中國疲也  
且急則走險越海構虜咸陰籌撫賊乃得  
益圍萊城殞撫臣于垣尸守臣于野

天子赫怒旣付償事者于法復逮逗遛臣

大發兵趨之進。賊首或殪或跳。登州以平。  
是唯

帝斷宜爲銘以勒之曰

赤溟海兮鯨鯢戮。截文山兮巖城復。鞏東藩兮  
帝畿安。控遼易兮白狼感。恢三韓兮。皇輿億  
萬年兮。介景福

勳足以不朽

筆銘

銳○則○進○鈍○則○退○是○故○君○子○才○之○爲○貴○

墨銘

善○於○涅○物○亦○以○自○賊○淄○涅○彌○多○頂○踵○以○磨○

硯銘

坦○而○善○受○工○於○納○垢○是○可○以○久○

水中丞

過○量○則○盈○少○酌○則○竭○適○如○其○受○亦○能○潤○物○

褒忠祠十四先生贊

予嘗讀書褒忠祠。祠以祀明靖難諸死節者。爲文學博士寧海方公孝孺。翰林院修撰黃岩王公叔英。江西按察副使桐鄉程公本立。都御史山陰陳公性善。左拾遺奉化戴公德。都給事中義烏龔公泰。戶部侍郎瑞安卓公敬。谷府長史青田劉公璟。太常寺卿寧海盧公原質。戶部侍郎仙居盧公迥。蕭縣知縣仙居鄭公恕。東平州吏

日臨海鄭公華其監察御史鄭公智陝西  
僉事林公嘉猷則坐方公累死遂得侑食  
諸先生皆義甘九死矢無二心薄王魏之  
回面步夷齊之慷慨或不難湛族意氣足  
感妻孥或不惜捐軀忠貞足昭日月良可  
懷也乃爲之替曰

有。更。者。運。無。易。者。心。丈。夫。矢。志。終。始。弗。侵。反。顏。事。  
仇。世。日。見。機。避。辱。就。榮。士。切。耻。之。荆。湛。七。族。知。已。  
云爾矧爲同朝。恭惟臣子。敢食子心。以各一死。偉

哉方公文章世宗。早被主知。晚忝惟中。表效入  
臨。哀動九重。死卽死耳。予豈汝從。骨碎節完。殊破  
譽隆。修撰起家。爰始邑令。焚身格天。甘霖四境。繼  
入史垣。募兵入援。仗義執泰。共期摧堅。國破身殉。  
英詞凜焉。化及妻女。節孝胥全。程公諤諤。宿露頭  
角。信格蠻夷。再直館閣。時事之非。公也早覺。先機  
投環。國隨以削。景隆孺子。少貴而驕。匡之不從。竟  
爲敗招。師潛勢棘。臣罪奚逃。中丞之沉。汨羅共鑊。  
寧爲苟全。河上逍遙。拾遺奇快。漢晁之槩。天運冲

否。我興受敗。夷然畢命。維蒞維醢。臣寔有心之死。  
靡改忠矣。叔安納言青瑣。飲泣入訣。曰。城將破。唯  
臣死君。維子死我。雖遭矜釋。此中無墮。殞身岩城。  
視死良果。瑞安陳音。音于伐微。徙強就弱。害如醢。  
鷄何事窮兵。迫之高飛。謀之不從。乃讓禍機。南朝  
一人。帝猶惜之。太常烈烈。左提右挈。亦與密謨。  
支國之蹶。一死不偷。洵世之杰。荷歟青田。文成之  
喬。矯矯風稜。繩格靡遊。耻爲魏徵。利誘不二。詔獄  
自經。可以式靡。仙居之盧。邑異心孚。強項不撓。以



俟誅鋤。豈令墨胎千載傲吾。北兵之來。勢不得當。  
蕭縣東平。彈丸隘邦。二公志同。力抵其狂。平原之  
顏。睢陽之張。城亡與亡。全浙之光。維鄭維林。蚤得  
所因。處陪講習。出參經綸。九原同歸。厥名並存。嗟  
嗟諸君。履禍何慘。人媿君迂。我欽君敢。維石其心。  
維斗其膽。正氣經天。山嶽欲撼。論定蓋棺。九地無  
憾。名非所要。至誠之感。謹筆其貞。爰俟觀覽。

英偉以簡淨而得盡。生氣從錯落而能留。遂使  
勁烈之槩。千古不磨。

于忠肅公贊

典午塵蒙。河洛羗羯。靖康青衣。閩海播越。舟之失  
舵。淪汨杪忽。孰是土木。乃有我公。力抗南遷。竭節  
吐忠。失君立君。洒泣臨戎。百粵肅清。閩浙奏功。六  
飛之旋。實維公力。賄無可邀。虜乃市德。金甌以全。  
玉輅返北。公功之巍。厥禍乃奇。熱血一腔。竟洒京  
師。嗟彼羣醜。亦竄亦戮。天道好還。豈必有復。何如  
我公。千古欽服。

主文成公贊

飯而糜瓊。饑不以濟。衣而襍荷。寒不可麗。言迂行  
詭。當亦無異。理學之非。無乃近是。維公肇興。首明  
良知。良知之明。邪正以分。良知之明。機宜以清。颺  
起擊瑾。公知之正。颺起平濠。公知之審。豈倚氣節。  
豈利勲名。維公舉措。理學之真。安南之役。邊釁是  
戢。盧王之撫。兵燹是恤。仁育義正。豈云姑息。浮言  
雖譁。蒿之嫉麻。易世而下。榮名泝加。列之孔庭。厥  
寵匪賒。

笑癡子像讚

有引

予蓋顧笑癡子像而笑。笑爲之癡也。身無  
軍國之憂則宜笑。中無生民之戚則宜笑。  
目前無所累心則宜笑。世不以機械嘗我  
則可癡。我不必狡獪應世則可癡。觸境無  
所役心則可癡。矧笑非巧笑。癡非頑癡。嘻  
然與險夷適。冥然與物我渾。日得其嘻然  
冥然。予安得不爲之笑笑爲之癡也。遂爲  
讚。

吾樂出龍笑成癖。太子似之乃更劇。胸經濟媿一  
命。建羶。日文史。晒二酒之窄。謝屐尋山。周醇醉客。  
聲聞日新。襟期日闊。人彌得其可親。不得其可覈。  
此華亭鶴唳。終爲人笑。而夫子時筦爾於水清山  
碧。

續成烏程縣誌跋

癸酉代

邑之有誌。非以誌誇耀。將振舉。于是按景行。于是資昔醇。而今澆。何以挽之。昔盈而今詘。何以裕之。昔繁而今耗。何以滋之。欲使人一披閱而得耳。予謂誌于楮。不若誌于心。誌垂百世。不若誌于一人。邑王侯固誌于心。不徒誌于楮。志于一人。以志百世者也。飛鳧烏程。其所興舉。悉與邑窺會當。言動悉與邑循良當。挽澆裕詘。滋耗悉與邑風俗賦歛。民瘼當。至邑富賢荐紳。黌序之士。皆秀美能文。豈

曰茗水之靈。實觀摩作新之力也。邑有志具于  
世廟時錢侯。近續于馬侯。而未竟。侯則曰。是予之  
狂。以屬不佞。不佞謂馬侯時。有其實尸鉛槧。不佞  
不敢攘其功。且更裨其詳核。以成侯之休。侯固曰。  
予一人業誌之心。更欲百世下。入目而誌心云爾。  
然誌有而未續。續而未成。得侯而始竟其勛。不佞  
輩且託侯不朽哉。爰命筆以著其盛。

候謝劉心蓼老師啓

伏以加之鏤刻屋頭枯竹。俄然出其清音。被以徽絃。灶下焦枝。鏗爾奏其洪響。煦育荷化工之意。栽培暢草木之心。頌首典思。洗心鳴謝。恭惟 師臺謙光法地。偉德均天。三湘想涵育之衷。九疑著斗山之望。六載雲間。騰躍盡皆龍鳳。一期浙水。藥籠間及。溺洩市涓人之駿。迨其朽。樊葉公之龍。憐其似。勗以策名勵行。詔之融古。準今。藥石俾膏盲以甦。雨露令芽茁而起。細縑下錫。光怪生蓬篚之間。



齒牙揚借。駑駘作騏驥之冠。屬赤城軒輶未返。山  
公啓事猶淹。然已捧檄驚心。鏤肝鑄德。計仙鳧之  
入楚。媿風馬之猶吳。尺素未將。寸心增赧。謹因鱗  
便。恭候鴻慈。卧未穩于東山。詔已飛於北闕。  
伏願繼華容之大業。振麻城之竒功。九邊豺虎指  
顧。折其牙。四野鴈鴻談笑。戢其羽。宰衡天下不特  
門下入于品題。沛澤寰中。行見域中脫于瘡痛。矧  
吳越之民生凋敝。已目擊于宦游荆蜀之流竊。  
橫蚤心籌于隣震。大抒夙抱仰答。  
主知 某 呈

朝廷之有人樂依宗之得主進則罄肝膈以襄  
弘休退則弄文墨以歌盛伐

合所生之地與所宦之地輸情使事自不染頌  
勉寬泛一語

賀王孟侯刑部

協民中于從欲。虞藉士師。長王國于式絲。周稱司  
寇。咸中有慶。天下不寃。法執爽鳩。喜滋堂燕。恭惟  
台臺。縑嶺仙標。瑯琊貴望。綠映槐堦。久卜仁人有  
後。紅分杏苑。共欽天子得人。縹緲豐城之氣。新  
矧脫匣。銳堪剗象。截犀瑰奇。豫章之材。偉質中繩。  
巨可勝樛。任棟馬喙。人九重。夢寐鴻漸。爲六署  
羽儀。位列法官。簡司秋令。國無法而有法。民無生  
而有生。犴庭幽草。恒見生春。棘院棲鳥。時聞噪夜。

某初陪几席。獲觀紫芝。寵昇瓊瑤。快聆白雪。荷教  
言之。疊疊。魏通候之。沉沉。謹此。舒誠。式伸。牝賀。伏  
冀。齊民。一日。明。清。單。辭。流。有。五。宅。有。五。祇。以。得。情。  
殺。之。三。宥。之。三。勿。難。狗。主。掃。蒼。鷹。乳。虎。之。搏。擊。破。  
羅。鉗。吉。網。之。深。文。轉。殺。機。爲。生。機。借。義。氣。培。元。氣。  
濟。猛。以。寬。因。刑。降。德。心。期。福。國。志。豈。高。門。庶。檻。中。  
之。鹿。無。繞。夢。于。山。林。栖。下。之。雞。不。驚。鬼。于。湯。火。

字字秀創賦骨詩情

答朱懋三書

弟少頗自負。礪名行。尚氣節。期退不歎於倫常。進不缺於經濟。雕蟲小道。了不經心。特以舍是無可致身。不得不間爲從事。乃機緣之左。嘆鄧禹之笑人。時事之非。作劉蕡之孤憤。今人無可告語。乃上而與陳死人作緣。更不堪莊語。乃妄而與齊諧。下作伍。然而非倣也。非謾也。一腔不得已。非仁兄孰鑒之哉。容歲妄意。一第可芥拾。遂悉置米鹽不問。乃柄鑿之投。遭削者三。迨至深秋。猶然一故吾。進

退竟兩無據。床頭之黃。與才俱盡。巾中之白。隨愁並新。門下親故。秋葉不復作。枝頭之聚。噫。自非僕慣歷世情。空花世境。何以堪此。牛衣泣染。所恃解事兒女子。委曲相慰。曰。賈生才而夭。彌生才而殺。貧乃其常。幸存此身。不能作老鷹揚。猶可作老伏生。何自戚戚。嗟嗟。更能消幾番風雨耶。悲來填膈。令才智無可往處。近日欲屬筆而思不屬矣。卽憂不能殺人。幸可至頭童齒豁。又恐老蠹魚徒咽。仙字而不能化。況能樹桑榆業也。清宵白晝。

殘篇其間。汨沒英雄不少。庸碌如不佞。夫亦何恨。所恨者。腐草猶能作焰。七尺軀。竟以三寸管。作塚墓。無以庇妻孥。無以答知己。不堪自問耳。扇一握。上有和韵呈郢。直以徵弟之才盡。非敢云報。幸收之。

乞巧文

甲戌七夕。諸女陳瓜果于庭。乞巧天孫兒。杼。擲。榆。于。傍。予。適。過。之。曰。無。戲。媮。爾。亦。將。如。父。之。以。拙。終。歟。文。侈。新。局。故。機。難。仍。曷。亦。忤。誠。投。體。天。孫。洒。筆。如。杼。雲。霞。蔚。蒸。五。絲。交。瑩。莫。知。其。因。鳳。翥。欲。奮。獸。驚。欲。奔。草。疑。動。風。花。疑。笑。春。持。此。瑰。麗。以。驕。世。人。雖然。吾。更。爲。爾。祝。世。道。顛。隳。薄。良。詡。非。詆。孔。云。陋。謫。夷。曰。迂。穢。濁。執。義。衆。共。遠。去。樂。貧。守。禮。匿。笑。且。耻。信。度。而。趨。莫。得。其。似。唯。我。天。孫。尚。巧。兒。志。走。利。



蟻羶赴各鷹鷲釣譽以誑愚世以智維繩維矩如  
涅如淄端方府忌高瓦基辱堅勁骯髒神鬼不福  
天孫有靈尚巧兒骨柔剛作脆卑下自牧跼矣蝟  
卷踏哉狐伏屏氣側躬駢足睨日屢揖不前拜跪  
匍匐韓非說難卒以說誦言危身危執尸其訣尚  
唯天孫錫兒巧舌語不必根詔無慙頰疾迅峽發  
縮如膠結維人之承匪歡之悅詭誕狂冥言堯行  
桀植身入世曷能無心億中貨殖銅臭位尊乘風  
呼遠繇徑步輕稽首乞靈界兒巧營中夜牙籌清

宵貴門。有熱斯。無寶不奔。金輕文焰。剗積譽騰。  
非關學裕。豈俟才宏。岳而弗獲。亦孔之醜。倖獲浪  
邀。往往而有。洪維天孫。昇兒巧。湊不田。亦秋不引。  
亦穀不文之售。不脛之走。居然上士。神詡氣狃。抗  
顏驕世。器溢不覆。方更有所祝。兒遠曰。父止。止若  
是之巧。兒所不願。乞也。予曰。若無此。諸巧。雖巧于  
文。又無益也。乃相與一笑。

世事之巧。幾不堪描繪。如果以祝而邀。天其巧  
之祖耶。上下天人。詞有盡而悲憤無盡。

壽魏邑侯文

有歌時癸酉三月

玄黃間蕃茂之氣。春作之府。曦而日。晬以煦。條而風。淡以穆。覆而雲。油油其蔭。輕颺而雨。霏霏其澤。溥不言桃李。胥顏欣色。語快得乃主。而短蕪弱。莢亦苞。飲露濺。藁舞颺。恩美哉。春之雨物也。玄黃爲大父母。春其代大父母。以父母品彙者哉。乃父師代。天子噓我輩于門墻。蘇芽茁於郊野。夫何殊焉。雖然風雨狗。秋夏而和。肅異體雲日。逐春冬而舒。慘易狀是又。父師乘春氣毓靈。因能歛春。

氣爲敷錫耳對茲春日識沐浴化日之回坐我春  
風快披拂仁風之內回大地之瘁無令一隅含膏  
窈有異於封人僅爲身祝者爰作之歌以附擊壤  
歌曰

春之波漣且湛兮我公之清春之陽旭且皎兮我  
公之明春之恩灑且遍兮我公之仁氓春之行亘  
古常新兮綦我公之壽齊於喬與彭

吊五人墓文

五人爲顏佩韋等。當周蓼洲被逮。奮起殺緹騎。見戮。後人卽以毀魏璫祠址。葬之。張天如有碑。以傳其事。

嗟乎。天地曩奸宄。殪大權。落離明。蝕羽翰。張且罟。密梟逞喙。鸞在棘。公是涇滑。公心莫折。死豈酬知。三代之直。當逆璫之虐威。綦蓋吐而禍隨。更群械之鼓波。戕正士以爲媒。羌託孤之奚罪。必蘭芷之俱摧。迨尺一之傳宣。忽轟雷之怒喧。殪狐黨如孤。

豚裂矯勅如輕烟。維五人之忘生。執大義以鳴奸。  
斤斧囚繫。適協所志。羞與汙生。樂與忠死。死伸國  
法。生彰國是。熱血一腔。何惜都市。彼貿貿徒。顏婢  
膝奴。排賢附闖。倏紫倏朱。曾幾何時。竄逐駢誅。爭  
若五人爲烈丈夫。崑碑道左。當逆之祠。祠且荒烟。  
塚乃纍纍。過者歎歔。爲誦且悲。琬琰之光。名姓永  
垂。輕舸過此。爲一俛仰。走筆書詞。以寫骯髒。身戮  
非辱。殉義非枉。俠骨香名。以亘天壤。

憤時慕義高詞激楚

祭徐母程夫人文

舊作

維年月日子友公琰之元配徐母程夫人素車丹旒將以柩遷也。某謹以隻鷄絮酒而祖之。曰嗟乎。中饋之賢。世恒藉之。而吾儕尤甚。蓋吾儕一落咕嚕障中。苦思可以入甕。專愚幾忘馬足。冬之裘。夏之葛。饑之食。渴之漿。興酣出斗酒以侑狂。居貧躬緝。纏以濟乏。且至斷機相成。投畚相勗。不煦煦以兒女態。繞人柔腸。則有非名家之姝。幽閑植德。穎慧成性。淡泊棲心。勤慎策躬。所可幾者。謂足爲嫂。

氏難耶。是唯嫂氏。婦訓夙嫻。靜貞早具。自綽然耳。若夫孝友易間於妻子。嫂氏佐公琰事二大人。有禮承歡養志。靡不至。暨遇諸叔。解衣推食。任德無厭。卽有忤弗較也。嘻。嫂氏之佐公琰。直以才哉。蘭方茁而根摧。珠脫抱而胎隕。布素相守者二十餘年。不能延之一旦。以相夫育子於成。良可痛也。龍章有錫。不華其躬。鸞喙無緣。不續其斷。天又何不福善人而久之歟。是以某旣欽嫂德。更悲嫂年。羹魚飯稻。猶咽嫂氏之澤。今日者一觴之瀝。不能注



之九原也。悲何如哉。謹組單詞以和薤歌。靈有知乎。尚亦鑒微忱而來止乎。

施讓庭誄

并序癸酉作代

先生故武林望也。族大能睦。籍充能謙。麟  
筆成花。璀璨七襄異錦。鳳毛傳彩。輝煌五  
色奇文。驅才役命。百戰不降。盡人俟天。一  
經翊後。既翹楚黃序。更型模里閭。行闇者  
譽芬。德恢者報大。方冀邀簪綬於子貴。樂  
衡泌於永年。乃徒聞典義之言。未酌福善  
之答。山頽泰嶽。木折梓材。失先輩典型。萬  
里隕搏風之羽。詘後來經濟。六月息激水。

之鱗。某誼列子行。心傾父執。懿行猶新。未暇操金管。佐玉堂。月旦哲人。其萎爰敢抒石心。寫累德詞章。敬侑薤歌。不差下里。是

爲誄。誄曰。

猗與施宗。祥發于姬。魯惠之裔。學于宣尼。越厥後人。徽令蔚起。肩吾文章。子仁忠義。衍脉于杭。簪組蔽芾。嗚呼我公。岐嶷特生。化玉稱潤。儷金得精。曰孝曰友。是唯性成。攻文于早。厥才孔邵。扶程之藩。踐朱之窕。屈奴賈隸。韓流蘇漂。無戰不捷。海宇名

噪名之誤人。匪跡則矜跡。易基怨矜。乃胎凌。雖公  
不然。甲牧循循。我宗既睦。我里亦悅。大德小閑。咸  
正罔缺。如彼英碩。乃不纓綬。隨車適迴。莫起其蹶。  
嗚呼哀哉。命之不振。公其如何。斐斐後來。賢雋孔  
多。作醴之源。有菁者莪。伯也高翔。入賢之羅。雖茲  
老成。乃枕山河。嗚呼哀哉。人盡事君。奚必其身。秋  
風繡繪。夜月清樽。山林婆娑。亦有經綸。蹇蹇匪躬。  
勗我後昆。以嘯以歌。樂此大椿。日中必昃。物反于  
極。造化忌盈。禍福相逼。醜矣二豎。乃入于孺。天-

杳冥呼。顛不靈。典型墜失。戚我友生。唯公爽然存。  
願歿寧。嗚呼哀哉。哲人之亡。實國之傷。誰謂斯人。  
不在廟廊。有懷弗替。并洋徜徉。寵錫終來。松楸之  
光。丹旒肇舉。慘然墮涕。匪泣所私。唯世之以。嗚呼  
哀哉。

沈錫豫鐘痕誌銘

錫名濂。豫鍾其字也。予姊子多不育。中年方得之。生時眉目踈朗。髮覆額。黑如漆。可鑑。少長唯現。歡喜相。予甚惜之。器之。壬戌隨予讀書湖上。時年十三。與予兒斂樹七齡。兩人篤好不啻共母。每日暮課餘。日輪初墜。霞綃繼之。湖水散金碧。子携兩兒出。據梧隱石。或散步沙堤間。出痴語韻語。相應答。致足樂也。每客至。適僕出。錫輒煎茶竹中。趨蹌皆可意。有果餌。出以獻。無惜也。或子出館。虛無人。頗

能肩門自守。勿浪出。客有來者。甥出應。禮度謙下。周整。款接不啻予。莫不驚且愛焉。時予友前後散處者幾十人。甥莫不懽然應接。事如事予。歷三年。無少忤者。其器宇可想也。乙丑。予爲家事。糜不能館。甥更延師。時已十六。乃煦煦如女子。無褻言。無邪語。聞人言之。輒面頰作赤。初不大慧。頗畏予督課。至是聞予至。輒引登樓。舉所課就質。且乞講論。秉燭。勿厭予。深幸曰。甥喜學。乃爾。青衿不難至矣。丁卯。以勤故。忽得血疾。予疑其有他竇。然甥事上。

恭接下謙至御婢僕則嚴門無狎交洵勤故也。庚辰仲春子以事走金陵與之別囑以珍重時猶神王不意季夏返至吳門聞人言則以別予後旬日而劇更旬日以初夏歿手錄一金剛經亦未竟吁痛哉抵舍予哭之總帷前姊爲道其臨歿慰藉一家言甚痛且以不見予爲恨至於姊徇俗言議爲之畢姻甥執不可曰予不欲誤人女也更達矣及見諸親友莫不惋惜謂非是兒無祿實沈氏無祿不得有是兒耳兒真可惜者嘗爲聘趙氏未娶父



某文學母則予仲姊將以某月日葬某所藉山面  
流松杉交蔭蓋吉壤也嗟嗟又誰爲吉也因飲泣  
而爲之銘曰

麟之生不及夕景星卿雲不屢出一丘山阿老此  
泉石吁痛哉

翠娛閣詩草小引

康崑崙琵琶段師謂其本領大雜須不近絃索十餘年乃可教予小少貧甚無書可閱僅三體唐詩于鱗選詩借爲導師已得詩雋詩所詩歸又資爲法程近則得曹能始十二代選詩漸識所宗而習已成矣所喜者終爲舉子業分割心手習亦不深然欲棄去十年盡忘本領以爲學地又不能待也謹哀甲戌春夏草託友人刪之以質四方之爲段師者

錢塘陸雲龍雨侯父題